

兩浙輶軒續錄

兩浙輶軒續錄卷四十八目

蔡以瑞 陳以咸 陸芝祥 沈鎔經 鄭賢坊

邵曰濂 嚴蔚文 余烈 周光烈 鄭廷元

高光煦 褚成彥 朱金祐 戎金銘 姜鴻濰

陳維垣 陶文鼎 朱偉然 黃瑞 張振珂

王燮奎 高人驥 徐鑾 趙銘 施補華

吳鍾奇 吳思藻 陳繼聰 張壽榮 胡祖芳

程咸焯 胡揆中 陸召南 袁建榮 曾若濟

鄒福年 鄒福昌 凌祚 余泰琛 王家梓

施恩普 蔡份 董葆琛 史錦標 陳昌沂

潘熒 江培 項守亨 朱慶申 王玉汝

郁崑 吳觀禮 余弼 樓汝達 陳聿昌

孫汝贊 徐景福 固嚙鏗 孫葆瑩 丁申

陳 灝 金 莢 盛朝輔 盛王蘭 朱 嘏

蔡 璠 蔡銘珏 徐時榕 鄧克甸 葛恩慶

王繼本 楊友聲 樓望嶠 施紀椿 張 碩

兩浙輶軒續錄卷四十八

督學使者潘衍桐訂

蔡以璫

字季珪蕭山人同治戊辰會元官刑部主事

孫德祖曰先生與伯兄以瑩仲兄以珍並雄于文有三鳳之目咸豐乙卯已借二兄同登薦先生以策中微瑕倂得而隄失之角藝文壇則與吾師文瑞曹先生為勁敵解莫逆交曹先生歿先序其遺詩劇沈痛其生平敦風誼為倫理學行皆足為鄉邦儀表所謂歿而可祀者也慰春榜齒已近暮由翰林改部曹遂歸先後主講沃洲慈湖書院以終至
今兩邑士猶感慕之
緝雅堂詩話季珪同年為戊辰會試榜第一人文采甚美由庶常改官刑部不樂仕宦歸主講席厲行勸學清修之士多出其門壽命不長墓已宿草余巡試所至留意書院咸曰慈湖教澤裨益至廣深恨失此良友不能為余補過也

月夜

一徑入昏靄渺然吟思生樓臺團遠霧燈火閃層城古月發新趣幽悰落世情徘徊戀情話窗外斗參橫

夏日偕同人登百尺樓用杜少陵重遊何氏園林原韻

消夏宜消暑尋涼倦擁書招邀聊步履咫尺即幽廬礙徑未

芟草環池尙種魚輒紅飛不到彷彿廣寒居

纔躡初枕上炎官勢倏移延秋誰主客列岫比孫兒樹色連

圍堞蘋香盪遠陂吾家有真隱何處覓東籬樓前有家謙齋微君舊宅今圯

危樓存此日雅集盛當時湖海元龍氣園林子美詩運憐經

板蕩樓爲明季何毅庵先生建樂自寫匏絲俯仰三高蹟煙霞景夙期

其此素心侶逍遙逸趣長舍人便芟製謂韓公子鬪茶槍謂

廉因考憑眺憐荒蔓繁華說夢梁明季何氏亭臺甚盛今祇存此樓矣凌風一舒

嘯清響出鸞皇

昔有登臨興鴻泥認隔年重來吹笛地自悔出山泉擬築輞

川宅難謀陽羨田長安催客去回首定愴然擬冬閒入都

陳以咸

字韶次號川漁蕭山人錢塘籍同治戊辰進士官戶部郎中

答沈芷洛贈蘭花詩次原韻

空谷佳人出世姿任他桃李炫芳時不矜色相難爲譜未讀
離騷敢說詩拳石膽瓶新點綴蘆簾苔壁舊留遺幽齋從此
添清課夜引涼颼日護曦

莫論王孟與高岑格律清真意便深竟體芬芳吹善氣傳家

臭味證同心

先大夫與尊甫嵯使公同官農部猶子光穎又承君有羣紀之誼

繞階芽茁祥

新發入室香薰德久欽爲報秋初花欲發遲君賞玩到穿鍼

陸芝祥

字晴湖桐鄉人廣東籍同治戊辰進士官翰林院編修

緝雅堂詩話余與晴湖文字相契酬唱最多才調英雋品節清簡同年諸子咸所推重乙亥典試廣西竣於途次良才不就非僅爲吾粵惜也詩稿甚富訪求弗得茲從篋中檢得數紙所贈竹賢秀才乃余門人有異才蚤死

呈潘任卿前輩

文學舊知名才華霜雪清醇醪飲公瑾善賦擬蘭成有弟呼

前輩

釋琴同年後公
一科入翰林

居官愛冷卿會看持玉尺報

國得羣英

贈釋琴并索和韻

綺歲聲名丹鳳翔由來潘岳富文章元龍座上氣無敵司馬
橋頭願可償南國人才非昔日

東華朝士半閒坊憂時莫負澄清語不爲登車感慨長

繹琴使陝歸乞得唐石經全分詩以謝之

千年碑洞費搜尋知已題名徧華陰乞得石經自讐校著書
未就且閒臨

吾粵新設菊坡精舍聘陳蘭甫先生主講梁竹賢秀才

葆乾
甄別首選賦此爲賀

儀徵去廿載學海講堂存東塋傳人在南園抱道尊薪傳宋

朱子經旨漢陳元獨愛後來秀清才屬德門

竹賢爲吾邑望族

沈鎔經

字芸閣烏程人同治戊辰進士官廣東布政使

緝雅堂詩話余與芸閣同年情好甚至其布政吾粵時海氛方熾經畫艱苦卒以勞勩歿于任所吾黨多才竟羽一个使軺所至未及拜墓惆悵不泰不獨士衡有挽歌也

太平署中有懷董覺軒同年

廿載敦兄事高名孰與齊官分江左右家在浙東西姑孰頒

新政公餘覓舊題謫仙樓在望

時新修告成乞君爲記

何日共攀躋

鄭賢坊

字小亭鎮海人同治戊辰進士官直隸宣化知府著半槩軒稿

過故城

烏飛雉堞少人煙臥治鳴琴愧俸錢山枕寒流餘涕淚里虛

古社罷漁佃北連荒堠驚烽火西下斜陽咽杜鵑義士孤屯
資保障空勞借箸策安邊

邵曰濂

字子長餘姚人同治戊辰進士官至太常寺卿

緝雅堂詩話子長同年賦性簡岸京華冠蓋罕與人接
惟與余論詩頗洽今從行箱得詩二首皆往時酬唱之
作子長往矣存僅此耳其尊人文靖公詩曾問筱村同年已不可得爲之慨然

訪潘繹琴同年

短巷停車少閒官載酒多南園富書卷

客座集經石峪字榜曰南園蓋慕嶺南五

先生之風以存徵尙東望憶煙蘿聽雨應聯句

謂令兄任卿前輩看花一放歌

吾生性孤狷爲子屢經過

極樂寺看海棠和繹琴韻

春郊試馬海棠時今日同君各賦詩惆悵花前判今昔更無

片石認荷池

洪稚存有極樂寺賞荷花記今惟海棠至盛寺池枯個久不種荷花矣

嚴蔚文

字震軒餘姚人同治戊辰進士官嚴州教授

節孝張母方孺人

彤管賡懿嫩柏舟矢靡他繫彼名門女世德推清河家近歷
山麓待年締絲蘿迨吉諧伉儷玉樹交枝柯婉順修婦職高
堂雙鬢蟠鸛翼忽中折攬心涕滂沱彤存神已萎相從誓非
訛衰姑泣相慰雙雛髮垂髣宗祧千鈞繫泉下傷心多茹辛
供菽水古井寒不波籌鐙佐宵讀鳳毛譽鳴阿片頻遂先志
蘭秀森庭坡陰霾逾十稔熙愉回陽和一笑吾事畢驂鸞歸
大羅門閭榮子姓綽楔均

恩波貞松歲寒操薄俗資觀摩

余

字子駿金華人同治戊辰進士官刑部員外郎

旅燕和雲嵐師韻

南國春深暫借棲，依人簷下敢嫌低。
歸程卻羨鴻賓早，問主翻疑鵲舌迷。
到處危巢驚累卵，傷心故壘落空泥。
北還莫待秋風候，約伴重尋舊徑蹊。

周光烈

字承哉號子穀錢塘諸生

杭郡詩三輯承哉尊甫肇仁官滇南巡檢戰死俞太史越爲作南澗殺賊記君聞關萬里迎母歸養辛酉之難與長子金綬同客死吳門次子金組函骨歸里

錢塘懷古

靈鷲之山高隆隆，金牛湖水涵空濛。
湖光山色自今古，日月照耀金銀宮。
憶昔錢王全盛日，英姿卓犖東南傑。
甲帳雲屯十萬兵，銀濤弩射三千鐵。
陌上花開徧六橋，春風香暖渡蘭橈。
一時木石皆披錦，廝養由來盡珥貂。
百年宋室來南渡，明聖湖邊通輦路。
寶瑟銀箏響遏雲，畫船簫管歡朝暮。
離宮別

館總生春繡陌香衢颺麴塵金粉樓臺全入畫蓬萊花草盡
精神嵐光滴翠波光綠青雀船頭看不足千官朝罷玉宸時
翠舸齊呼飛繼燭丞相堂開號半閒將軍猶是夢刀環中原
父老驚鼙鼓紫禁重闌夜不關簾櫳十二誰家宅一片蘼蕪
已陳迹回龍橋外夕陽紅浴鵲灣前秋草白金雀觚稜感廢
興鳳凰山勢望峻嶒鶯花依舊迷三竺風雨何人問六陵繁
華自昔埋塵土惟有名賢終可數君不見李公之井白公隄
人生豈必無千古

鄭廷元

字莘甫
錢塘人

李玉田跋略吾師性和易汎愛工詩畫通音律嬰痼疾
焚獨終身幸於松江館舍吾父爲歸其喪葬於橫山之
桐鳴師歿時玉田方九齡未獲收
拾遺稿茲得若干首亟錄而存之

秋夜卽事

孤館一鐙明寒蛩四壁鳴雲移星影淡風墮葉聲輕惆悵當年事飄離此夜情擁衾清不寐寂寞數殘更

晚眺

牢落襟懷素志非西風臨眺思依依孤鴻影入蒼煙沒落葉聲隨清磬飛幾處暮雲迷遠望半林秋色澹斜暉無邊野趣供幽賞好逐牛羊款款歸

散興

蕭騷亭館易黃昏葉盡無聲悄掩門夜永清寒生短燭庭空積雪映芳樽欲憑詩卷消幽寂無奈梅花役夢魂春入故園成獨想可堪征雁喚江村

高光煦

原名綬曾字子容仁和歲貢候選訓導著貽硯堂詩集

譚獻傳略君幼從父宦廣東踰冠歸補諸生好吟詩吳江陳訥庵爲屠琴鳴舊友號詩老最重君東南寇起轉

徒無憊且無暇爲詩稿草亦稍散落矣事定歸里白髮
布袍鄉里奉爲長者百年以來高氏先賢創普濟堂養
老慈幼卹俸養至是以君主之益竭心力措注惟
謹寒暑風雨若忘其老坐是積勞以卒年六十一
陳泰來曰子容詩如詠蟬云落日高樓外西風古驛邊
久雨初晴云著屐沾春去開窗放月來湖隄晚眺云秋
蟬入雲唱野鳥踏波飛韓江官舍云樓高樓影寄人籬下
池凝載運不養魚月夜宴集江樓云樓高樓影寄人籬下
江近帆送影落杯詠菊云作我月中惟復影寄人籬下
不低頭送舜庭六兄之嶺南云切莫信沈橫尾鯉須知
家有白頭人美不勝舉余爲刪定詩三百
首子容復自刪其半可謂庫懷不自是矣

謁張文獻公祠

風度文章兩可師我來海國拜荒祠千秋有鑒心無愧十事
違朝兆已知烏易奮飛垂翮遠鹿經悔失噬臍遲三生韶石
緣堪證重謁歸途是後期

送履門大兄之金華

江亭分手地淚與酒同乾惜別初三月驚心五百灘依人豈

初願慰我合加餐更望書頻寄高堂夢未安

寒夜月

城頭凍鳥噉霜天空館獨宿難成眠青鐙無光冷欲死忽然
明月來牀前流輝入帳清肺腑遲遲不去還相憐亟披破裘
冒寒起爐中棖柎紅猶然撥火煖酒邀共酌一杯一杯復周
旋興酣拔劍仰天舞眾星落盡孤光懸夜深疑有梅萼破暗
香一縷飄林邊倒尊盡歡更大醉醉臥夢遇姮娥僊引我瓊
樓最高處金童玉女何翩翩霓裳羽衣舞新樂龍膏鳳脯開
華筵此間頗願身長住小謫未滿三千年臨別殷勤訂後約
賦詩寫徧雲藍牋欠伸悵悵忽不樂荒雞叫曉愁煩煎

玉照堂懷古

城東地幽僻搜尋時縱狂春風況有約雪霽懸晴光青山倚

郭外半露雲髻妝似羨水晶宮凝笑還相望我悲動懷古南
朝遠澣張官貴不足戀下築南湖旁吟社集名流玉照開崇
堂銀絲足清玩排日飛霞觴賞心樂事多風月歸平章老去
頓參悟逃禪娛師郎口誦度人經聲共鐘魚揚竟將裴休宅
捨作選佛場滄海與桑田變易知無常是色卽是空此境觀
尤詳鶴羽一朝化悠悠淩穹蒼姓氏留人閒遺址悲斜陽至
今六百載浩劫餘紅羊顏額未改易屋宇非舊梁曠地多種
蔬碧蘚綠僧牀惟有古梅枝破萼仍霏香

偕朱蓮卿茶庵弟雨中游南屏分韻得屏字

春風吹湖水變作缸面醺碧翁幾時飲連日醉不醒一色山
環嶂四圍雲擁屏迂倪好圖畫不著丹與青俗客未解趣但
恨天冥冥閉戶足不出芳草生空庭我儕冒雨游三兩人忘

形尋幽南山麓微雨響塤鈴四顧復何有煙際孤舟停

九月十五日古民叔招同人讌集湖上

霜飛九月乍寒天多少吟情寄水邊遠岫朝迷張楷霧平湖
秋泛米家船叨陪前輩狂先斂略飲醇醪禮恐愆屈指勝游
何日續分明人似竹林賢

偕許珠瀛秀才

其光

登越王臺

越王遺蹟幾人尋尙有高臺倚碧岑自昔春風笑歌舞於今
我輩感登臨北來渺渺白雲遠西去茫茫珠海深歸向半山
亭下坐榕陰愁見夕陽沈

規譚滌生

獻

我輩論才調君眞第一流狂歌驚俗子醉眼渺諸侯但恐羣
生謗因之視若雠高堂有慈母垂老勿貽憂

褚成彥

字頌甫餘杭陳貢候選訓導著漁隱居吟草

註進祥白頌甫廣文樸實長厚雅好吟詠經寇亂避深山仍手不釋卷寇退移家會垣授徒餬口從游者眾口講指畫往往漏三下不倦如是十年

常山至玉山道中

曉起整行裝殘月懸一綫
取道自常山山行兩目眩
桂花初發香寒飄灑我面
枯樹經霜風葉落當秋戰
日午至草坪偶焉息微倦
草坪驛爲常山分界處
登程促輿夫前去莫留戀
白雲屢誤人陰晴狀小變
須臾放夕陽散影亂如箭
人聲起遙市知近玉山縣
城郭半荒陋風景異鄉見
旅人亦憚勞向晚宿茅店

路旁花 傷棄妻也

連理枝開何遲同心草吹將老
明月秋來幾圓缺鸞鏡分飛

生永訣空將遺恨訴東風非關桃李無顏色白頭永矢感年
華薄命從人敢怨嗟昔年隄上柳今日路旁花

螳螂曲 懲健訟也

蟬鳴高樹螳螂伺其後甯知黃雀來潛伏螳螂右豈識風
波轉瞬間物類相戕安所咎螳螂弗自知毋乃真愚癡雀能
穿屋瓦如斯我爲螳螂發深想樹底花陰盡蛛網

猛虎行

夜聞鄰家豕爲虎攝去且傷
村人羣起逐之感而有作

深山產猛虎幽絕罕人足月黑夜微茫畏虎尤慘毒鄰家設
豕牢近依山作屋樹林處陰翳中宵畏潛伏四顧輒無人虎
幸飽所欲狂吼爪牙張吐氣風雲逐銜枚忽疾走如兵貴神
速負豕若嬰兒飛奔響巖谷豕腹縱彭亨遇虎被束縛村翁
急起視驚心更駭目四野聞鉦聲追呼上山麓皮骨半猶存

狼藉餘豕肉虎亦畏負嵎潛身竄林木昔者虎渡河宏農思
令牧往古有時賢異政厚民俗吾儕丁燹難浮生眞非福荆
杞動悲風煙塵滿平陸上天好生心胡乃窮殺戮當道恨豺
狼安問狐狸屬浸淫成亂階變患起心腹白豕數遼東虎噬
未爲酷詩成百感生當作窮途哭

孤山林典史墓

辛酉冬杭垣失備典史闔門殉節而自
經於官署踰年事平當事者哀其志爲

卜葬於山之麓嗚呼生爲末
吏死爲高人典史亦千古矣

生死蜉蝣耳彭聃未爲壽少尉人中仙微官殉狂寇氣節完
功名天意栽培厚魂獨戀孤山常繞逋翁右地下聯宗盟仙
吏家風舊管領到湖山馨香分俎豆掘衣拜墓門英風壯靈
鷺白雲時往還孤豕梅花守

朱金祐

字秩夫秀
水諸生

白秋海棠

用漁洋秋柳韻

消瘦芳姿黯淡魂
荒苔滿院不開門
可憐一片瑤階怨
未化三生粉淚痕
倩女縞衣寒傍砌
明妃環珮晝還村
平時皓質無塵染
絳燭紅收莫漫論

天宇清澄未試霜
牆陰幾點映迴塘
金陵舊種驚成璧
銀漢新愁感服箱
月貌豈慚湘帝子
冰肌合侍水僊王
沈香春睡人何處
卻把瑤臺換錦坊

謫墮雙成雪滿衣
風鬟霧鬢是耶非
霜前小立香都冷
月下相逢影已稀
幽韻淒涼蛩語咽
素妝新豔蜨魂飛
捲簾可奈人俱瘦
酒座琴歌且莫違

顧影娉婷祇自憐
空庭籠月復籠煙
相看素面非三月
不點朱唇已半年
豔骨瘦枝原是玉
芳心柔蘊總如絛
秋風細問

花消息惆悵雕闌曲檻邊

戎金銘

字古慎號琴石慈谿人著溪北詩稿四卷

南溪草堂

爲愛南溪濱爰住南溪曲秋山橫遙青初波動微綠寥寥三五家疏柳繞其屋村龍喧短籬幽鳥語修竹妙象愜靜懷曠境拓遠矚雖非武陵源聊足寄吾躅

清溪泛月

月華溪上動秋意滿蘋洲水浴星光亂風搖樹影浮霜鐘出遠寺漁火隱孤舟知有思家客深宵獨倚樓

登吳山

湖襟江帶互迴流置我蓬萊最上頭樹外疏鐘南宋寺雁邊斜日北關樓幾多裙屐酣春酒不盡風煙盪古愁遙指重山

國朝車馬系金名
鄉路隔客中雙鬢已成秋

夜雪

風緊夜雪飛寒威不可忍擁爐坐暖室兩足苦冰冷忽念流
離人勞骸同浮梗無衣復無食凍餓傷肝腎又思氈帳兒荷
戈離鄉井露宿風雪中筋骨怨淒噤孤雁驚雨哀病葉罹霜
質默然結胸懷頓覺寒氣屏

八月二十九日赭寇由慈谿竄北鄉從叔博濟被掠不
屈死爲詩挽之

遇賊誓捐身天生倔強人匹夫難奪志一死卽成仁碧血霑
原草清風表海濱由來忠義性多半出齊民

姜鴻灘

字道甫象
山諸生

擬陶元亮歲暮和張常侍詩倒疊元韻

獨居寡歡侶懷舊心悽然頽雲凍西岫始知節序遷念昔聚
首時詩酒娛殘年悠悠君迹遠殷殷我心纏魚遊淵思故鳥
倦飛知還嚶鳴賦喬木攻錯資他山嗟余處卑陋出入誰繩
愆兩鬢催白髮如彼霜雪繁佳踐信無失窮通奚足言何時
攜杖來其聽幽澗泉

陳維垣

字澹川象
山諸生

南田篇弔張忠烈公

南田之田稱沃壤彭姥諸峯氣滂泱決境緣磽僻轉荒蕪地以
紆回得宏敞尙書忠義顏文山周粟不食殊殷頑永明殘局
已灰燼復何恃此軍力孱當年逐鹿中原走露紆提師下京
口睢陽竟失賀蘭援玉璧難爲孝寬守蒼頭四潰如隼颺拒
車弱臂悲螳螂麻糍千里血流肝止無陌路歸無鄉左右從

者羅王楊誓死不去同踉蹌新輿所轄無首陽白雲何地供
遊翔八排天壑通雌浪大小浮圖作屏障甌瓦東趨暗礁針
佛頭西俛諸峰讓千年老竹宅猺獐一握懸瓠絕依傍公來
託足薤姓名籀冠荔帶清風清飽餐薇蕨枕書臥犇濤落木
猶疑兵三聲淚竭靈猿死縋壁姦奴入金齒未容嘯傲隱蘇
門竟綯銀鐙赴柴市駁犖林巒蜚霧包誰翻小海續離騷祇
今合電門邊水猶似錢唐白馬塵

病馬

逐電追風氣壯哉竟援卷耳賦虺隤遷延無事攀車哭躑躅
徒勞執策催心已半灰辭豆秣骨難再健感蒿萊汗流喘急
身卷跼憐爾奇姿等廢材

陶文鼎

字卿田會稽人
著真意齋詩

緝雅堂詩話陶孝子性韻貞雅事母吳有至行光緒十
四年有司請于
朝旌之余嘗覽朱君啟連所撰行狀知其爲人性好詩詞
多不自存此尚非其至者嘗佐蔣果敏幕府欲薦其才
以不樂仕宦辭
之其雅尚如此

偕友人郊游至暮步月而返

漁舟呼不聞濛濛隔溪水炊煙如白雲著水復飛起船頭網
已張料理有婦子想見打魚人高臥短篷裏我欲往從之相
攜采蘭茝定有酬酢情貽我以魴鯉

萬物含化機春光遂林莽不能爲君贈亦不禁君取譬如今
日游誰復論賓主愛花君自折樂酒君自舉微風灑然來吹
散林外雨閒閒白鷗飛交交黃鳥語眼前有佳句顧盼入毫
楮君看野棠花娟娟如靜女醉飲無幾何花開已如許

始興道中

夢回聞水聲長年已先作舟行五六里曉霧散山腳望見采
樵人舉手山翠落彼樵不自知不如觀者樂高巖有人家炊
煙起林壑避亂學巢居因之聚耕鑿豈無隱君子於此采藜
藿帆影惜怱怱無由躡芒屨

舞刀行

短衣緊束鬚眉紫壯士初歸咸陽市萬人卻立心搖搖圍場
屏息看舞刀欲舞未舞先有辭此刀來自西南夷蛟魂螭魄
伏海底海水沈沈刀不知白虹一道冲天宇秋光滿地涼如
雨拍刀而起目無人殺氣憑陵看刀舉一來一往鶯擲梭忽
起忽落魚跳波晴空十里絮卷雪方池六月風翻荷猝然擲
刀數丈起接刀旋轉疾如矢眼中不辨刀與人人身卻在刀
光裏刀前激水水激塵點滴不霑刀裏身精神入刀與刀化

莫是王回周處併作爾一人越劒熊丸古無偶刀法流傳自
誰某言言有本色不驕豈是江湖亂張口我今爲爾揮吟毫
男兒絕藝非徒操報仇殺賊慎所用莫負此藝與此刀

曉至青龍寺

出郭籃輿小靈宮曉日開諸峯此屏障一水自尊疊山果半
生熟溪風時往來僧人數名勝遙指鳳凰臺

幕中夜治文書有感

幕府文書若理絲獄成猶恐有違辭誰憐獨坐揮毫際已是
千家熟睡時此筆肯爲胥吏用一心惟有夜鐙知明刑早自
虞廷定莫把申韓錯認師

朱偉然

字寬夫
餘姚人

餘姚文藪寬夫萌生贈公之長子幼善病棄儒而賈父
卒隨堪輿家覓葬地力不能支以瘞歿性愛種花亦好

詠吟

偕同人至金輿看梅

宵雨客話永開門見春旭一時發清興同志入幽谷我亦隨
客行探梅固所欲買棹自東郭嵐氣淡如沐到岸見山人邀
我過林麓笑問來何早春醪纔新熟我意不在酒飲我一壺
足柴門出指點山徑通紆曲遙瞻冰雪姿因之豁心目徐行
二三里疎林斷還續斷處景轉佳閒以珊珊竹門巷多參差
半是河陽族徙倚淡忘歸折枝娛清福慕昔晏元獻移花醉
新麴坐對花亦笑亂插破瓶腹友人展此圖題箋苦局促安
得日日遊行作千萬幅

黃

瑞

字子珍臨海諸生著秋
簾閣詩畧清憩軒詩存

陳一鶴序畧子珍續學邃古著作等身纂有海上同
音集三台名媛詩輯八十餘種皆有關鄉邦掌故

王蔡曰觀子珍之詩其大本在忠孝其立志在千古其所守甘貧賤其纂述重桑梓其詩律成一家蓋卓然可傳者也

古意酬王獻林明經

客從遠方來遺我合歡譜寫以回文字裝以同心縷字格何鮮明其言淒以楚上言別離久下言相思苦良人隔天末相思渺何許此譜未足珍深情那可語置之懷袖中淚落紛如雨延望不能言注目長江渚

張振珂

字子珉號春珊又號鐵生東陽歲貢候選訓導著香鸞山館詩草

胡鳳丹曰春珊所著又有樂樂草鐵中錄錄錄歷朝詩梓鄉雜錄東陽鄉賢崇祀錄家要錄張忠敏公遺集白雲洞山集遺忠清書院雜識清河集詩存續東陽歷朝詩梓鄉雜錄東陽鄉賢崇祀錄家禮儀節輯要張氏如生圖

題劉笏堂太守琴菟圖

彭城太守人中傑偉畧英姿世無敵攬轡朝揮祖逖鞭挑鏖
夜草陳琳檄一麾出守來東陽循良政美追龔黃民歌叔度
來何暮士愛文翁澤不忘由來忠臣本孝子教孝教忠無二
理一卷傳觀琴覓圖治譜官箴卽此是枯桐三尺手澤存更
從滋味敲菜根撫圖追憶趨庭語綠錦宮袍滿淚痕祇今烽
煙清浙水勳名行見隆隆起承家報國視此圖他日流傳付
青史

王變奎

字石庵建德諸生試用訓導

縣志變奎少孤事母孝慷慨有志節同治十年土寇擾境團練守望竟以勞卒

讀唐書雜詠

開元公府有仁賢今日紛紛出塞錢絕好承迎王宰相安危
不要自家肩

元白齊名亦可歎大閭交結判臬鸞傷心一樣漢時事誰識
無家管幼安

將軍進馬出誅求貢獻頻煩事可憂膽落不聞溫御史蔡州
功在更誰尤

太平無象儘鋪張此日居然是小康邊帥驕橫都不悟特禡
姦魄宋臣光

高人驥字呈甫仁和人同治庚午舉人官山陰教諭

徐恩綬曰君性謹默才思靜細劫後旋里適丁竹舟松生昆仲倡立善堂端緒勢如君彈勞佐理與余晨夕共事相得甚歡君先中辛亥副榜越廿年始登賢書不數年卒未竟其才人爭惜之

桃花水

黃河春漲勢縈鬱帆葉中流快往還蹙浪纔添時雨後尋源
遠上白雲閒汪生別緒深千尺陶令奇逢入一山東海芬華

勝瑤島水來天際許追攀

榆莢雨

春殘萬綠滿窗前無定陰晴積野煙天上幾時栽歷歷閒中
清課愛緜緜條山韜晦聊供粥潁水寒澍謝散錢立夏已過
餘隔轍郊游嬾約阻吟邊

徐

鑾

字金坡嘉興人同治庚午舉人官湖北黃陂知縣

許仁杰曰辛未計偕因汪表弟熙敬獲交於君君才氣
豪邁曾參戎幕磨盾草檄倚馬萬言後以縣令需次鄂
渚一充同考二權邑篆強臺方上禹中述近汪君
丁卯舉人亦奔走衣食以死未知能訪其隻字否

戚砥齋先生檢書圖

丈夫生不能校書天祿閣枯坐一甌徒碌碌蠅鑽蠹蝕百年
年硯墨磨人放聲哭砥齋先生世守經櫛書手澤都能讀撐
腸錦繡五千篇壓架琳瑯三萬軸百城坐擁亦是豪況此便

便不負腹飢來驅之出門走疲騾偃蹇行馳逐從此鄉鄰繫
夢思校讐手自編書目遺經自古勝籙金差率硯田歲不惡
吾友塵仙善繼志經史如瓶翻水熟一門師友證淵源兩美
豐凶擅穀玉相見殫精下董幃咿喔書聲出老屋無端鼙鼓
動地來燎原一炬誰能撲盡付昆池劫後灰竊政焚時無此
酷噫吁噫凡物有聚必有散自古盛衰如轉轂祇今留得畫
圖看猶見當年富儲蓄披圖展視重吁嗟有書能讀甯非福
我亦年年事遠遊長劍在裝筆在橐案頭冊籍久飄零斷簡
叢殘鼠生簾悔不編成幾卷書惟對此圖長跼足

趙

銘

字桐孫秀水人同治庚午
舉人官直隸順德知府

譚獻曰乙丑歸里故交漸稀兄事桐孫詩文閎碩氣舉
其辭持論斷斷不少假借直諒之交此爲第一獻冠年
弄翰高古民才激賞折楊刻化書堂集三卷傳布浙西
桐孫品題嚴礪以古人相期不佞獲攻錯之益在未相

識時而識君詩文大都精心果力
不懈而及於古乃愧予之薄植矣

韜光同玉珊作

驚峰炫天奇茲寺靜自匿萬竹攔俗駕一蓮峙仙蒨曲折行
百盤精藍窈未覲雲光自離合泉語互喧寂俯視腳底寒芬
陀雨四滴梯霞到絕頂古壇枕巉壁瑤空下青鸞招之適無
笛浩蕩見元垠清嘯未敢春茫茫海如杯磊磊星可摘忽悟
斯境高本自前山歷從來妙理封紆徑須冥覓矯首吟天風
蒼莽意何極

施補華

原名份字均父烏程人同治庚午舉人山東補用
道署岷傭說詩二卷澤雅堂古文八卷古今體詩

初集八卷
二集八卷

復堂日記開均父詩摘句於此歸雲題壁孤華媚幽調
病葉辭榮柯避兵箕山華發無名樹船通不語橋送子
高黃金富天下難買是春暉示弟但存薪膽志未可氣
全低答子與水深常恐蛟龍得日暮還愁橡栗稀均父

向者一意學杜近
能參異己之長矣
湯壽潛曰先生起自
故時務悉能洞其
班仲升傳修期之爲
軍次爲上客寵定新
公時駐軍喀什噶爾
事歲隨節入都復相
特旨召見發往山東
梓二集發潛校讐有
觀取去今不知落何
所矣

苦熱讀湯塾仙贈詩作

病體待新涼暑氣鬱殘夏清風類異書
吝惜天不借炎官據
朱方戀職久未謝晚與募收戰思以火德霸義和操
踔日輪駕韓原助一炬餘燄猶燒夜朝蠅與暮蟻生
生氣爲
化憑依一時熱攢齧罪難赦漫膚苦多汗裸坐已如
鴻時或
臥北窗中虛得暴下衣冠戒門絕甘受惡賓罵君詩
玉壺冰

欲買眞無價寒光忽落手潔淨不可婉況嗟思力深文字機
盡破冥穿神鬼窟密覲經史罅短吟堪過日語妙接神暇門
外赤日中萬夫牛踏磨

愛日多送湯蟄仙聞母病歸省

兒不歸母心悲當窗扶病自縫衣兒歸矣母心喜十日呻吟
一日起兒身千里關山長兒心自在父母旁阿父得兒書知
兒行有日阿弟得兒書知兒中途行更疾阿母聞之一飯加
揩眼自數庭前花雛子清晨噪今夕兒應到鎧花永夜開明
朝兒定來見面之期近可數頻促諸孫迎汝父湘湖回權搖
春波二老扶持笑語和求官覓舉輕離別貧賤人家愛日多

前醉歌行

長安萬事無不有十日方爲閉門守磊落偏逢我輩人營騰

且醉他鄉酒居然蒸鴨如蒸壺大肉肥魚沉盈缶燭影搖屏
旅興飛柝聲出巷宵譚久幾回滄海踏鼇身一日新詩滿人
口酒闌更詠北征篇嶽色河聲落吾手長安酒樓何處無此
賓此主塵中偶行招風月入南宮坐看樓臺依北斗常兒齷
齷那足數得意如龍失意狗試呼太史識星辰文昌耿耿天
廚右城南丁香初作花的皜嬌棠映垂柳明朝側帽與題詩
主人會稽秦載酒能來否

後醉歌行

主人飲酒如飲藥兩飲未能勝一爵主人愛客酒如澠舉酒
勸客知客能坐上譚仁和陳老名士厯落孫生會稽及
樊子施南陶家兄弟三鳳凰會稽仲蘇依舊嘉賓敵賢主嘉
賓賢主權如何燭花冉冉飛青蠶長安明月尊中多我醉不

惜朱顏。酡蓬萊。方丈揚蒼波。赤手爭折珊瑚柯。爲君起舞。君當歌。狂歌爛醉高樓裏。仍有新詩比紉綺。破壁淋漓埽泥滓。樓前車馬如流水。暗塵漠漠萬人海。

蕭大夫馬歌

有序

道銜候補知府蕭公瀚慶湖南某縣人庚申四月奉檄援湖戰歿於長興之虹星橋遺所乘馬悲鳴不食。部卒皆不受騎。余見之因作是詩。

驚駘齷齪滿天下。執策而臨歎無馬。誰知世有蕭大夫。獨得名駒色丹赭。大夫起家軍旅中。十年戰伐多奇功。常騎此馬入陣鬪。四蹏風舉行如空。大夫忠勇萬人敵。此馬肝膽能與同。陟深歷險屢轉戰。巧隨人意爲西東。歸來愛馬如愛子。親餵芻豆雜馬僮。刀瘡箭孔手摩撫。騰槽意若相感通。今年大

夫死殉

國此馬悲鳴慘不食雄姿猛氣頓消沈拳毛脫落無顏色願
爲鬼馬馳鬼雄風雨陰森從擊賊部下健兒不敢騎茗上詞
人早相識方瞳峻耳形未殊日日來看淚霑臆嗚呼人頭畜
鳴今更多懷恩感義汝則那少陵無人曹霸死寂寞丹青奈
汝何

九日

九日山村乏酒錢孤城北望隱寒煙西風滿眼登高淚只有
黃花似去年

程將軍學啟挽詩

月暈重圍盛甲兵秀州城外鼓無聲霜刀忽向鞞中出露布
還催馬上成空壁旋騰千騎入大星飛墮一軍驚出師正捷

身偏死浪激鴛湖恨不平

上海

秋潮動萬家江勢抱城斜估客連檣至夷奴入市譁金縉通
外國天地眩中華海若亾官守殷憂未有涯

種桑篇爲沈仲復先生

秉成作

我行京口道比戶皆栽桑清霜被原野落葉忽已黃老農爲
我言亂後田廬荒賢哉沈大夫貽此種植方一年桑短短二
年如人長三年葉可采高枝出屋牆桑下莫種豆種豆地力
傷懇土莫縱手慮與孤根妨愛惜事培壅桑本日以強蟲來
齧桑本捕治如螟蝗內蟲附枝節剝蝕尤須防初采留其餘
勿令生機戕于野召父老大夫言之詳小試始五畝繁植旋
諸鄉猗猗十萬樹陌上爭提筐大婦歸飼蠶中婦縑絲忙買

絲頗得錢已製新衣裳吁嗟哉桑利足以濟稻梁經營三年
久所賴恆心將土宜信能辨民勞今有儻請歌種桑篇垂蔭
同甘棠

吳鍾奇

字子常烏程人同治庚午舉人
官蕭山教諭著才耕軒詩鈔

施繼常曰子常性靜情逸詩格清
老所輯有湖州詩錄三編十二卷

志士行

人生貴知足何苦事營求世人媚百端志士情所羞如何棟
梁器甘心容蚍蜉烈風雖未至先事宜綢繆安知嶰谷中鸞
鳳非其儔清商陵晨發蠅聲猶未休雖有師曠聰聽者難自
由路人不足惜但爲同室憂願言整襟帶與子行道周歸來
坐高堂令德相倡酬

楊侯歌輓黼香太守師

榮緒

東坡去後八百載何人清夢到玉堂嶺南使君春夢醒

公初入翰

林時嘗夢至一處顏曰夢到玉堂後偶閱蘇詩有祇因未餓君恩重清夢時到玉堂之句乃東坡和章子厚出守湖州詩也已而果守湖州始以前夢爲異使我聞信霑衣裳憶昔

屢任後嘗舉以告人孰知其成識也

楊侯初下車郡邑餘黎猶帶創湖州苦戰天下聞四郊遺壘

塵茫茫城中官舍沒蒿萊官吏蕭瑟賃民房寸絲粒粟須民

力披圖按籍多流亡蠲租緩稅有程限十室九空庸無傷楊

侯撫字洵有方十年之間功施彰不見楊侯驅民力蠶桑但

見吾民日日賣縑緇不見楊侯爲民祈豐穰但見吾民歲歲

儲蓋藏飢寒不至雞狗靜獄訟不興飲食康農工商賈有恆

業詩書禮樂盈膠庠汝南月旦昭題品暇則讀律提其綱

先生

舊有讀律提綱清風儉德化僚佐黃口孺子言之詳疆臣報

最署第一薦之

天子稱循良篤實廉明堪表率

篤實廉明堪表率此公同治九年大計考語也是年以

卓異薦

懸書象魏何煌煌背聞楊侯輓

天子父老攀轅羅酒漿今聞楊侯棄館舍士女巷哭如爺孃
吳山楚水道里長陽鳥日日南天翔安得隨汝返故鄉臨風
執紼送一觴來護丹旌出重洋海若有靈波不揚不然歸櫬
八月由瀟湘洞庭波兮木葉黃雲中之君不可望秋風蘭艾
誰芬芳古人事師重心喪平生志願無由償悲歌慟哭情難
忘吳興山水懸清光千年遺愛留甘棠

自檢舊稿偶題長句

不向名場去選官閒將舊稿理叢殘未修石上三生果且鍊
鑪中九轉丹抗論獨高千古易靜思要契寸心難年來行蹟
分明註聊當吟牕日記看

愛山臺晚眺

戰壘蕭條盡削平
高臺荆棘漫縱橫
溪山慘澹寒煙鎖
樓閣參差夕照明
繞岫閒雲空聚散
沿隄小草自枯榮
林皋幾度催歸鳥
落葉霏微度磬聲

乙酉三月九日同吳纘三

善述

施衡甫

繼常

丁月河

兆

慶諸君暨施覲初

啟瑞

戴笠青

翊清

周少丞

康保

諸

子何山謁安定胡文昭公墓二首

錄一

峩峩宰樹遠分行
千載人來拜墓堂
夜雨棠梨遲麥飯
春風芹藻薦心香
崇封馬鬣資培植
咸豐五年權知府事公墓細討
蟬編作表坊
安定言行錄上虞許敦授原編月河先
齋聲不斷
咸豐初郡博許齋生先生請於郡還如桃李護門

牆

八月朔旦郡學丁祭與作執事禮成敬賦

兵戈海寓奏昇平鉅典煌煌見舉行
春水鸞旂賡采藻秋風鹿野賦吹笙
未嫺俎豆供三獻敢逐衣冠奠兩楹
修到素王香案吏頭銜合署魯諸生

讀丁子羽茂才士謬雙桐軒遺稿

清才丁廙久超倫展卷琳琅墨尚新
回首月河秋泛夜青山何處弔詩人

吳思藻字辦香烏程人同治庚午舉人著仰山樓詩集

元旦遊惠泉山

惠山舊名勝往者此停舟魚米悲生事
鶯花失舊遊書牋都散落酒庫尙句留
瞥見桃符改村家月令修

陳繼聰字駿孫號退安居士鎮海人同治庚午舉人著達蓬山館詩鈔

兩浙輶軒續錄卷四十六
吳思藻 陳繼聰

董市日駿孫弱冠與余訂交戊辰招修鄞志其事七年
性坦率脫畧邊幅泛覽羣籍熟於乙部持論謬謬不肯
作唯阿語尤喜表章忠節作忠義紀開錄記近代諸賢
作明季兩東彤史記鄉邦列女採撫詳審各注引用之
書論贊亦傳雅傳書也詩筆激昂
據慨無齟齬之態駿駿浣花矣
孫德祖曰駿孫為復莊高第同治中又與余同在柳泉
師門同纂鄞志得薦已垂暮其斷句五言如老猶遮席
帽醉且妬楊枝七言如生世不看花富貴年來祇願竹
平安古琴已羅含騷怨短劍頻磨託酒狂微見其指矣
盤溪

盤溪三十曲幽絕少人蹤湍急羣流合山寒積雪封荒林尋
斷碣有宋儒陳古刹隱危峯當有巖棲者哦詩倚老松
佛巖寺

自然成佛相趺坐閱千年噴雪厓飛瀑穿雲樹蔽天花閒聞
粥鼓竹外認炊煙蓮社曾相約幽棲亦宿緣辛丑讀書寺中

詠史

洪流縱卻海東魚平世微嫌治網疏
崔湜黑頭參大政王涯
白髮坐中書大廷孰對劉生策
御座曾牽漢主裾無恙金甌
全盛日休因繒帛竭邊儲

都門喜晤彥清

何幸天涯見汝來征袍各自潯塵埃
酒樽已隔三年面詞壘
爭推一代才君工倚聲尙有豪情供跌宕
漫憂駿骨付沈埋老夫
到此無人識爲爾今朝懷抱開

將出都門別彥清

依然鍛羽不能飛檢點琴書淚滿衣
燕市花殘催客散越江
水暖望君歸君將留京身餘傲骨文章賤
夢醒名場冠蓋稀自歎
白頭生意盡起看庭樹落斜暉

張壽榮

字鞠齡號蘧軒鎮海人同治庚午舉人著舫廬詩存

七月朔日偕省吾讀吾登驃騎山

躡磴探幽勝秋風落葉天日光溪並走人影瀑同懸沙淺窺
羣螭涼多清暮蟬振衣上青靄身在翠微巔

胡祖芳

字晉隱號勺香定海人同治庚午舉人著劍草

江行

一葉扁舟穩蓬窗映夕霏江豚吹浪舞海燕掠波飛落日明
樵徑寒潮沒釣磯千帆投泊處柳絮撲荆扉

程咸焯

字敬卿金華人同治庚午舉人福建候補知府

葉聖曰散卿師達於經學小學算學徐壽蘅舉使亟賞
之少有神童之目其孝行之卓著者咸豐壬戌於賊中
訪求祖母行百四十日繞道三千里以四月六日由建甯
甯歸金華八月二十四日秦祖母曹至福州在路晝不
知暑夜不知寒飢不困勞
不倦朱兵部于欽記其事
法相寺瞻禮長耳和尚真身

造化一小兒，倮蟲皆芻狗。蠕動能幾時，不歸山阜羣。貉一邱，何處辨誰某。遺蛻還太虛，是謂全所受。末俗工矯揉，灌汞期永久。豈知神已離，株兔何足守。子胥鞭楚平，赤眉辱呂后。頑鄴縱無知，何如死速朽。釋氏外形骸，鳶蟻無薄厚。慧果證涅槃，烈焰滌塵垢。何物大耳兒，皮囊乃依舊。不聞尻化輪，猶覺肘生柳。六根儻未淨，塵網胡結紐。瞻仰增疑團，豁然若窺牖。人生兩大閒，塵俗日奔走。富貴旣前因，攻取皆夙負。纖毫不自由，暗中相左右。安知血肉軀，不類土木偶。生時本無生，坐化胡獨否。金剛不壞身，菩薩現千手。象教五百年，幻蛻聊示後。形槁心死灰，嗒然南郭友。寂感旣兩忘，色相何足狃。不滅亦不生，非無亦非有。

胡搢中

字庚一號圭山永康人同治庚午舉人官泰順教諭

讀漁洋山人精華錄

開代論風雅齊州有正聲小言揮鉅手短句敵長城吟社推
牛耳歸昌協鳳鳴羅胸經讀破翻水萬篇成

道破詩三昧多師卽汝師含情餘蘊藉博趣極淋漓神馬尻
輪駕風斤意匠披酸醎滋味外可得幾人知

大雅首登壇高歌眼界寬蚍蜉誰弄斧螺蛤亦加餐勝地窮
尤物閒情涉浪官衰年郊島病乞取紫金丹

陸召南

字子鴻仁和人同治庚午副貢候選教諭

王麟書傳略君天德沈厚語言樸面見人之急以爲己任董宗文義塾事凡七年立課嚴肅體面生徒如子弟嘗曰彼孤寒也孰撫字之使彼不堪吾心何安疾亟誠子曰讀書立品善承吾志戚鄰朋輩亦皆流涕

秋興

莫畏西風寒曉起舒襟抱桐桐納日遲菊澹經霜好晚花白

更妍落葉紅不埽讀書古樹根未識秋容老

幽齋

春風入戶牖隨柳深深碧上有好鳥鳴下看翠苔積闌闔悟
眞機乾坤爲大宅俯仰天地閒羲皇在几席

題倪朗山

世珍

宋芝圖

岱色河聲取次收搖鞭曾過古深州金元故國無遺土燕趙
佳人有綺愁好景妙於晨際領新詩勤向壁閒搜廿年陳迹
皆鴻爪又采華芝學道流

袁建學

字心菴黃巖人同治庚午副貢著吟紅樓稟

雙硯齋筆記心菴素嫻詞賦兼精韻學尤善入分書雅才也

謁于忠肅墓

窮劣豐碑樹旌功大筆濡皇綱淪正統奄禍煽強胡土木狼

烽逼煙塵龍馭徂姬宗尊叔武江左仗夷吾鎖鑰重關寄旌
旗八鎮驅擎天支獨柱據地握中樞赤手揮邊警丹心炳廟
謨倉皇來鳳輦森布整蝥弧任挾鑾輿入難容歲幣輸計成
趙廝養魄折漢匈奴元聖歸南內妖氛靖北都青衣生免辱
黃屋重膺圖豈象王人步慌獐乙夜趨禁門喧奪鑠襄邸謗
催符慘莫元咍訟冤逾晁錯誣朝衣憐東市俎豆報西湖昭
雪勲常赫回天力可呼黃龍哀復宋白馬恨亾吳其此風波
惡輸公社稷扶我來恭展拜千載仰宏模

詠漢書小樂府

七十老翁好奇計大宴鴻門殺劉季劉季隆準命在天雖無
項莊終亦全當日雌雄爭天下決策首在仁義假增也善爲
謀豈無勝此者君不見阮秦卒火秦宮屠咸陽掠而東生不

勸王都關中而乃悻悻除沛公拔劍撞斗計已窮增乎增乎

羞英雄

鴻門宴

漢得楚人多四面皆楚歌帳外歌聲未絕帳中歌聲嗚咽八
千子弟無一存美人死報重瞳恩吁嗟重瞳亡美人死漢家
乃復有呂雉

垓下歌

一飯恩哀王孫三族死待國士雲夢游王爲侯禍所伏躡足
謀謀功人烹功狗天子心婦人手

鍾室歎

曾若濟

字心印黃巖人同治庚午副貢著陸榮庵稿

縣志若濟博學多聞精天文兼通醫術主講九峯精舍卒年三十一

壯士行

入山搏豺虎入水剽蛟螭奇氣無可試碌碌徒爾爲單于牧
青海是我快意期豈云幸有事祇此忠悃思北風動地來

干縱馬馳

鄒福年

原名問耕字聖祈號子絳錢塘人官江蘇府照磨

長毋相忘蜀鏡歌

明星皎月涵清光延年益壽歌未央古來作鑑誌祥瑞鴻鈞鼓鑄垂精芒流傳蜀地一輪鏡玉色瑤光上輝映不修鸞翔鳳翥形長毋相忘字居正土花蝕蠹年復年空臺秋冷沈荒煙凝愁攬涕試一照美人古粉鏡中笑何年銅輦辭故宮彫匳玉匣香銷紅情天厯劫復完好上有仙人不知老

自蘇運送兵米至金陵張殿臣副帥大營口成四律戊

午冬日

巨艦列嵯峨軍聲雜鸛鵝長江天設險堅壁地橫戈戰士連鑄馬將軍曳落河書生向戎幕笳鼓和高歌

糗糧山積聚絡繹輓輸來北斗中軍帳南湖上將才應時兵
似雨向夕令如雷敢惜孱軀苦馳驅去復回

日夕衝鍾阜秦淮上下潮歌沈珠樹曲波歇木蘭橈壞堵無
三戶荒煙認六朝從來征戰地鐵鏃未全消

憶昔家庭日熏簾誦讀俱如何尙年少兄弟奉軍符三載習
馳馬頻年愁輓芻腰間龍劔在慷慨問征途

鄒福昌

原名門莘字聖耕錢塘人江蘇補用縣丞

癸丑花朝吳門董幼琴世丈招同潘順之編修吳鏘如
太守陳蘭墅別駕韓履卿嵯尹黃同叔廣文黃秋士

畫史雅集慕園

一春聽徧積雨聲連日不雨仍不晴忽逢董子折柬約不窺
園已三年更今年二月氣候早名園沿綠溪堂好猶有梅花

照酒籌勁樹寒香春不老憶昔登堂歲幾回鬢眉尊宿叨追

陪謂尊公琴草木含情閱人壽君思手澤餘深悲流鶯窺客

嘯聲咽似訴韶光去如瞥濃陰閣雨乍寒暖庭外玉蘭開似

雪玉蘭窗寒深翠加酒人三五座客十人傾流霞尊公舊擁青

油幕令子新探紫陌花詰嗣康伯孝廉赴試春明平泉賜第饒泉石盡拓

亭軒做瑤席金閨羣彥富才華我比梅花似寒客

凌

祚原名禧字蘭生仁和人

四叔父瀉春園在湖墅珠兒潭劫後重過舊迹全迷撫

今追昔各紀一絕別有感託不僅平泉花木之懷也

空潭吐明珠幻化若泡影涓涓無盡流幽咽語如哽潭珠

萬梅香雪酣仙姿何綽約亭亭瓊玉光先後漸零落玉照堂

佳句偶然成苦覓本不得締造艱難心詩法現身說覓句

是我亦非我蒙莊妙旨詮百年身後計入世小周旋我我周旋

冷露無聲涇天香有子飄至今一輪月來照可憐宵露香樓

臨流有戒心迴風旋花片不見天上舟曾見波上燕燕餘幼年

乘此幾占滅頂故云

百尺梧桐月千絲楊柳風夕陽已西下不滅舊時紅初照閣

一峯巨靈掌劫餘猶嶒嶸空作擎天勢不知大廈傾仙掌峯

余泰琛字雪樵仁和人

書永之先生上左制府請停杭關書後

吳越古奧區廛居百萬戶北米南柴薪販負集商賈帆鱗千艘停懋遷百貨聚如織如流水往來萃行旅征之有章程議察義相輔法令久漸弛積弊叢若蠱耳目寄廝養狐行威假虎分雖起以三期則限以五苛求及零星併稅累同侶加稅

數既浮免驗費逾巨更於則例外玩法任欺侮疏忽偶漏遺
加罰豈小補搜括嚴而苛臨池數於罟營私潛分肥貪饕樂
酒脯蠅利嗟謀生風雪幾摧阻折閱哭窮途涕淚慘揮雨戾
氣成兵徵燎原赤浙土關津踞爲卡橫戈亂攫取

王師伸威靈三載廓疆宇關吏殘喘留舊制請修舉上言遽
動聽故智尋墜緒傷哉子遺民事畜失仰俯若再橫誅求生
聚復何所我師盡然悲握管意淒楚一紙二千言利害述縷
縷籲請稅暫停鄭重告撫部匪曰事干瀆實代訴疾苦撫部
得師書慘慘不忍觀況當戶凋殘烏容失綏撫櫛比局抽釐
軍需助旁午用一緩其二征法鑒往古據書達

九重軫念邀

聖主

皇仁浩無涯批咎竟嘉許南北兩新關停撤走相語商民手
加額椎隸色消沮吾師一布衣手不假柯斧經濟寓文章眞
誠積肺腑若位言職官剛柔協茹吐誦書長歎吁中宵奮起
舞

王家梓

字蔭三平湖廩貢著消劫餘草

家傳略蔭三性聰穎有雋才平生謹小慎微言動不苟

不寐

花疎柳澹過清明被擁春寒到四更自惹鄉愁眠不穩非關

窗外杜鵑聲

施恩普

號芝庭元子長興廩貢侯選訓導著龍環居詩藁

孫德祖曰君居心忠厚處世謙卑能嗣同齋先生盛德邑人至今猶稱道之

題吳縣范夫人劫餘薪木圖

達觀萬物總成空閱歷艱辛樂在中但學閉門能種菜自來
巾幗亦英雄

種蔬娛老等衡門飽閱冰霜古木存

夫人孫號瑞軒有枯松長歌

處世祇

留方寸地合教餘蔭及兒孫

蔡

份

字彬德清諸生

收復金陵恭紀

咸豐三年春大盜據江東天心未厭亂師老勞無功吾

皇續大統

懿訓承

兩宮夾輔資親賢簡擢惟公忠

帝曰汝國藩

先帝畀藐躬其以大學士持節留南中曰嗟汝國莖欽哉往

卽戎汝玉麟岳斌其以水師從宗棠督閩浙鴻章撫蘇松用人悉破格將相胥和衷紀元未踰年寰區贊

聖聰是年克安慶江北無賊蹤元年始南勦力掘金陵衝二年蘇州復三年浙道通杭嘉屢告捷賊勢日蹙窮金陵賊巢穴百丈屹崇墉合圍兩寒暑苦戰逾春冬今年會諸路水陸環而攻列陳蔽原野長江擁艨艟連雲築百壘梯月排千轡兼旬掘地道開鑿窮人工六月月旣望旭日初曛曠明攻神策門潛撼龍慶峰日午地雷發霹靂驚蒼穹堅城割地摧烈燄燔天紅塵戰五晝夜埽穴擒元兇遺民出水火壯士藏刀弓江南諸父老扶杖觀軍容盡言

文宗朝督師忠武公繼起爲忠愍惜哉齋志終遂使東南民浩劫繁沙蟲負嵎十二年一旦靖狼烽下以綏億兆上以慰

九重豐功歸

廟算

帝曰予幼冲況今江右地未息戈兵鋒甘肅回民亂雲南畔
將訐大兵復大疫歷年觀災凶其敢遽稱慶小民時怨恫初
命擇守令再命課桑農三命復流亡四命恤衰癯疵癘消無
形祥和迓太空餘孽崇朝殲遐方悉嚮風露布交奏凱凌煙
渥酬庸勳成布大誥俘馘獻

祖宗萬姓春登臺九州年屢豐天南草莽臣珥筆欣躬逢

董葆琛

字獻臣號歛蘭慈谿貢
生著學易堂詩稿四卷

恨別

皎皎天邊月凜凜地上霜惻惻寒氣至耿耿秋夜長行行不
得歸忽忽又重陽憂思從中來觸景多感傷所思不可見中

宵起傍徨白首念遊子日暮倚閭望鵲鴿原上飛回首天一方安得東海水洗此百結腸

雨後西郊散步

閉戶謝人事僻處深巷深一雨兩三日煩慮交相侵偶思眺原野一豁幽人襟出郭不數里悠然見遙岑晴光轉明媚得氣鳴山禽村墟隱相向野桃紅半林柴扉白日靜犬眠桑樹陰亦有臨水屋煙景何沈沈頗愛此閒樂純樸無古今孤行未知遠興至時一吟登臨值多難春風傷客心

雁門童子歌

有序

童子山西代州人姓馮氏名福基年十四侍父天堂寨巡檢任咸豐七年夏賊掠天堂被虜入黃梅境宿藥店童子竊毒藥餌死賊十七人而自仰其餘藥瀕

死賊棄之野一僧攜之去忽稍蘇作書貽其家投筆而絕其父臚其事徵詩

古來奇迹那有此有此奇迹出童子不能刃賊亦殺賊一十七賊同時死童子隨宦居天堂倉卒賊勢來披猖盡掠孩提驅以走日暮同次黃梅鄉飛龍藥店暫安宿一兒無言眾兒哭卻喜羣賊無我虞逡巡謀賊進鳩毒鳩毒一中羣賊誅眾兒相向猶躊躇此身自顧無生理亦仰餘藥捐其軀淒涼野寺江村畔欲絕未絕神不渙手作家書貽家人其志已畢魂乃斷我聞此事心暗悲五尺之童才智奇自古無獨卻有偶千載以上童汪錡

曉發平望驛

雨歇晴煙散平川四望通曉行殘月裏春思落花中鴉陣亂

斜日雁聲遲遠風浮生何所似天地一飛蓬

遊赭山僧院

停舟待潮信因上翠微閒獨客來何暮荒庵早掩關風聲秋在樹江氣夕沈山多事東流水朝朝去復還

由小白嶺至天童寺

沙路穿松出山鐘度嶺聞到門巖岫合接竹瀑泉分薪老多成樹峯高半入雲一聲嘯谷鳥花雨落紛紛

由蕭山至西興驛晚泊

郭外嵐光翠撲天郵亭迢遞水程連長隄鐙火千家市落日城闌萬竈煙兩岸山爭吳越勢一江潮送去來船西興樹色晴如畫相對高歌自扣舷

太湖舟夜

碧天無際夜悠悠河漢清虛靜不流越國山川千里夢水宿
燈火五湖舟打篷蘆葉風如雨到枕江聲夏亦秋漫作楊朱
歧路泣亂離身世總浮漚

冬日山行

空山寂無人惟有寒泉咽迴風入高松濛濛落晴雪

宮詞

水殿雲廊暑氣微景陽鐘動思依依秋來長信階前草欲化
流螢入苑飛

史錦標

字蘭甫號檝
仙象山諸生

燕子樓曲依長慶體

費盡黃金買傾國黃金買色難買德黃金易散人易死美人
貴德不貴色同心鵲鵲羨雙飛轉眼鴛鴦悲拆翼呂梁迴抱

古徐州平控州城有畫樓楊柳繞窗花繞壁珍珠爲幕玉爲
鉤南陽僕射開雄鎮北里佳人住上頭東南軍政方煩苦那
有心情役歌舞練兵草廩得餘閒紗帽隱囊資退處帷幄同
參抵幕賓文章能解真才女可憐夢醒烏夜啼竟使樓荒燕
無主山斗崇勳著汗青敢輕殉死玷清名練裳椎髻辭蘭麝
弔影十年樓不下贈到香山太傅詩挑紅撥綠有徵辭小桃
已薄春風命枯竹還遭夜雨疑怨鬱難伸惟絕粒女貞祠上
霜華盈消將眉黛月三分瘦到腰圍裙幾褶飄魂黯黯下泉
臺故主重逢定鳴咽桓山秋色入清淮寶鏡長隨劒履埋樹
杪危牆雲夢郭雁邊斜日大風臺茲樓一樣留遺迹十二闌
干天半碧玳梁剝落舊香泥飛燕年年如過客

陳昌沂

字大麓山陰諸
生著大麓吟草

陳昌沂

鮑臨序略大麓爲補勤方伯子有家法纔通經便嗜吟
詠自言詩由母教實則六月失恃而有得於母氏遺詩
也少長通六書攻篆隸
究心金石精於賞鑒

掘地得古甌行

掘地六尺得古甌乃在稽山禹穴之南偏甌文重疊皆內向
蚩尤饕餮相糾纏或爲方勝或連瑱青泥陶鑄形模全篆書
閒識富貴字紀元湮沒知何年圭稜觸手隨漫滅出土方作
鐵石堅其中寬大容十人曰洞曰柳紛訛傳絕怪四隅淨於
埽亦無片石餘雕鏤何事融融作大隧歲久不受泥沙填平
生好古學考訂及茲目觀仍茫然戰甌歸來喜不寐挑燈搦
編澄心箋

戒珠寺

流觴修禊想高情題扇橋邊舊姓名六代河山存尺土萬家

香火關春城樓臺起伏隨山脈鐘鼓喧闐雜樹聲此地祇應懷素住尋常衲子漫逢迎

岱廟詠古 錄三

溫涼玉

青質圭形當手執處色漸黝著指微溫

千年冷暖基化作終葵首色含蒼震輝

溫綸儼在手煌煌主器尊頒瑞先羣后

宋建中靖國鐵桶

桶凡二徑三尺餘奉符縣人李諒等題記

端王踐昨年金甌故未缺鼎新盼初政銘辭莽淒咽

文曰百物鼎新

誰令邊釁開視此六州鐵

金大定修廟碑

楊伯仁撰黃久約書堯懷英篆額

一振符離軍巍然帝而叔鼯鴈壽名山林深字猶綠大書猴

鼠年元碑已顛匐

元秦定鼠兒年至正猴兒年各一碑舊在延禧殿南今毀

潘

楷

字敦田會稽人候選知縣著歸山草一卷

許之學咸豐間兵事起棄筆從戎飛書草檄倚馬可待
走秦隴應左文襄之招文襄征西多所贊畫積功薦縣
令未起官以葬母歸楊石泉尚書復禮聘之時尚書撫
吾浙余亦濫廁幕府始識君君爲人尚氣節重然諾
與余交善受祐堂前翦鐙夜話每懷晴窗爲之黯然

秋日抒感

涼風起自西草木有秋色四序忽遞更百年祇頃刻滿地泥
干戈何處無矧弋投足安所歸慮患幾時息貧賤本無交離
亂詎相識命途至此窮世變將奚極對景觸幽情我心憂如
織

江

培

字沅秋臨海諸生候選訓導著清音琴德居詩草

秋籍閩筆談沅秋宏才卓逸不羣於俗同治間台屬土匪充斥知府劉蘭洲舉辦勦滅延爲軍謀與書記孔璋元瑜何多讓也

臨海詩錄浣秋善臨池工書札雖求者環集援筆立應
無不稱心而去以故所到之處名公鉅卿爭爲下榻

秋夜登八仙巖

石磴縈紆上翠微滿山涼露沍煙霏隔溪漁火秋如夢深巷
犬聲人未歸良夜豈堪無好句去年曾此叩柴扉神仙大有
吟詩興一鶴隨雲過釣磯

橫河舟曉

曉色侵衣一味寒宿煙漸漸散林端分明淡遠倪迂筆獨上
橋頭忍凍看

遊南山

卽巾
子山

縈紆石徑曲通幽綠樹猶連不浪舟帆影掠城春水漲市聲
到寺晚風遒斷碑字蹟零星讀古佛靈光劫火收輸與茆庵
老行腳新居已占碧山頭

甯海道中

筍輿甯海道安穩抵家鄉紅葉飽霜信寒鴉盤夕陽山樵歸
擔密野屋晚炊香今夜投何處綠溪閒草堂

項守亨

字嘉甫永嘉虞貢著漁樵半席詩集二卷文集二卷外集一卷

元日

俯仰有真趣人心仍太初林深晴噪雀水暖樂知魚喚婦開
新釀聽兒讀舊書不知天地老一醉到華胥

自題漁樵半席圖

吾生昂藏七尺軀梅花壓雪形影癯江湖浪迹誰招手明月
清風與子俱

偶讀吳梅村詩有陳青雷以半圓索題起句半閒茅屋
半牀書半賦閒遊半索居結句自是圖全非易事與

君隨意狎樵漁移題余圖頗合因效其體再題一首
半居城市半溪山半耐奔忙半喜閒世局輸贏終一劫臣家
廉讓住中間死生何事分周蝶天地無心戰觸蠻借酒自全
須盡醉漁樵席上卽仙寰

金特夫年六十繪八仙主客圖爲作長歌

蝙蝠生天祖州東萬劫厯盡名元通元通天地常不老手持
酒杯作醉翁輕麗不著五銖服脂腴曾啖千歲鹿銅牌元狩
誰計年再世疑是歲星復周髀數推先天先稽君甲子終惜
然君之前身有二我特夫有伐毛洗髓不知幾千年洞中口
月歲紀六開花結實桃一熟人言綏山得一桃雖不能仙亦
足豪豪氣本屬湖海士不數景升豚犬子一擲百萬眞丈夫
黃金散盡膽氣驍仲子玉藥好顏色可憐開時祇頃刻小冠

負劍氣如虹紫電飛來牛斗衝優既是龍劣猶虎兄弟三人
鳴腰鼓鼓聲鼕鼕笛聲酸淚珠錯落春酒寒中年哀樂誰不
有壯君之膽酒三斗薑汁味苦醴泉甘蓬萊喜有合歡柑愛
護鹿胎種芝草天台何知劉阮老胡麻飯熟飼諸孫春風依
舊桃花源此客疊疊何來逼化身云有千萬億但使臭腐爲
神奇葫蘆丹訣箇中知行腳歸來歌踏踏落花飛撲李白槥
我乃酒狂酌無多姓名偏諱藍采和因緣一笑自好醜顰眉
俱落寫生手著手羅浮無數春真耶幻耶幻爲真嗚呼自來
仙人故無賴放浪多逐形骸外叔夜只解論養生誰識酒魔
眼孔大造物偏假不平鳴圖中吹出變徵聲搔手問天博天
笑一醉夢夢何年醒人生快意竟有此眾仙齊來供驅使昨
宵青鳥去傳呼大隱先生醉在市漆園胡蝶亦醉鄉嘻笑怒

罵皆文章我今偷取覓寰無拍曲爲君醉倒九霞觴

朱慶申

字品泉號又蘇別號松溪江山歲貢候選訓導著松溪詩鈔初二三集台十三卷

酒後作

古皇闢天地荒遠難追求而我生其閒江海浮一漚三萬六千日逝水不可收君看北邙山悲風振松楸殘碑尙可讀及身皆王侯王侯與蟻蠅塵土同一邱念茲感來者我心成煩憂

達人自安命愚者妄求福求福或得禍安命斯免辱勢位休矜張窮途漫慟哭淮陰不假王何至赤其族范蠡游五湖幸哉免誅戮堪笑塵中人紛紛競馳逐我生無吏才不堪爲民牧與其勞我形兵刑與錢穀何如讀我書杜門栖巖谷

詔君怨

遠嫁烏孫日長辭赤帝時琵琶聊寫怨莫遣漢宮知

自笑

梁鴻賃廡暫栖遲自笑閒居事事宜不律乍摹飛白字側釐
初寫比紅詩樓頭涼月琴三疊籬角寒花酒一卮頗憶歸田
彭澤語樂夫天命復奚疑

王玉汝

字小扉松陽廩生
著墨竹山房詩草

姜文佑序署小扉家景蕭索獨
耽吟詠無佗係不自得之意

上灘行

枯蒼道上萬重山中夾一流勢奔逐五里十里白石怒濤
飛下石門瀑往來溪上舟如蟻上灘不如下灘速巨艦灘下
齊停篙長條牽纜曳五六敵浪鬪波遲復遲前面來帆快飛
簇譬如車行九折坂欲上不上真取踏力挽狂瀾到灘頭回

顧灘下阻艫軸地道無平而不陂世途無岸而不谷十八
中有惶恐七里龍頭閑釣竹利涉還應爭上流勿趨下流爲
歸宿上灘灘盡便得潭鏡波平漾光可掬一聲欸乃自在行
篷窗兩岸山翠撲

郁

崑

字歎山蕭山人同治辛未一
甲三名進士官翰林院編修

緝雅堂詩話漱山姿稟瑗異才調秀逸與余同館時聞
有詩課分題闕韻佳句蟬蛻如春暮云楊柳可憐綠落
花無奈紅登閣然亭云人在蘆中如可喚鳥啼花外不
能閒風調絕世丙子典試吾粵是科中雋者如凌君彭
年勞君芳有循聲皆佳士也

蔡氏雙烈婦

有序

咸豐辛酉九月蕭山陷賊蔡孝廉

以瑩

挈眷寓呂裁

莊賊至妻曹氏趣孝廉行自脫簪珥緩賊度孝廉行
遠乃戟手大罵投王家橋下死子景軾女景李景良

從之妾馬氏懷幼兒走匿與孝廉遇於河干會有采菱者遺桶岸側乃手折竹枝令孝廉攜兒乘桶亟渡孝廉欲與偕不可遂沈於河事具諸家傳述

斂到殘棋局便終優曇花見色成空

曹孺人習內典工棋

百年恨缺慈

姑養一死清留孝女風願厲齒牙吞猛虎且投簪珥脫冥鴻
潘江水卽曹江水照澈冰心潔白同

迷津前指路茫茫塊肉離懷暗自傷
慘手更煩青篠折淚眸
惟注綠波杭蘆花岸側生逢暫桃葉江頭死別長
夫主安全
兒幸免未妨一笑赴滄浪

女嬃偕弟痛號呼更有青溪最小姑
志潔漫勞窮袴縛卵殘
眞與覆巢俱劇憐子母重泉聚不信
兒童大節扶玉碎珠沈
同日盡偉男相顧赧顏無

異數

絲綸賁自

天營齋營奠復營阡憤歌薜荔驅山鬼愁損蘋繁薦水仙鉅
手競編貞烈傳斷腸重泛孝廉船涼宵聽撼中郎笛酒冷鐙
昏一憮然

謁陳蘭甫先生

時主講菊坡精舍

一代靈光在千秋著述編學宗高密正教定紫陽傳羣弟多
英彥名山享大年講堂幸樞謁當去益纏綿

吳觀禮

字子儔號主庵仁和人同治辛未進士官翰林院編修著主庵詩錄

左宗棠奏疏畧臣前督閩浙聞吳觀禮潛心經史內行
純篤調其入軍練習營務全閩肅清相從入粵勦賊嘉
應事畢返閩埽除漳泉龍巖積匪整飭吏事均資籌策
祠隨赴秦晉燕齊相與講求方圓仰月偃月諸陣法刀
矛鎗礮結陣其中騎兵斜布于後張左右翼賊敗則招
陣追之所至成營行平原曠野中雖夜深天黑哨隊不

兩浙輶軒續錄

卷四十六

吳觀禮

三

亂觀禮短衣匹馬輒居臣前時或並轡徐行與商陣畧
傳宣進止時深賴之後以目疾辭歸乃注銷所保道員

詔陳言多蒙采擇旋以肝疾厥發歿于邸舍請將生前事實
恩賜宣付史館

陳寶琛撰序余因張叔度交圭龔甫一年而圭龔沒然
相知則已深矣圭龔病中顧余與叔度口誦謫皆天下
事臨篤復指几案若有所言舌蹇不可辨余曰其遺文
乎則若領於昆盡舉齋中片楮單文扁扁而致之族孫翦
故交圭龔獨取其詩校訂一過叔度遂謀槩行不敢拒
也悲夫圭龔之志詩不盡傳後世讀其詩悲其遇耳孰
能於翰墨中得其生平所趨向哉噫

陳孝子諷經圖

德星降精歸仲弓一星來自丈人東篤生孝子不有躬孝子
雖童心匪童羊車之歲誇幼聰父遘疾與秦王同刀圭不得
求壺公孩提那辨鞠與翦曰有象教眾所崇埽地植壁自爲
功念阿翁苦心忡忡兒以身代神或容淚血夜澣琉璃宮闕

六百日精上通靈祇恍惚翔空中菩提定水零其濛病者立
起神髓充父生兒死心罔恫金蓮四照花光紅昔母歸宿余
幼從母適感疾憂當胸亦復叩頭禱上穹少則何知聞子風
而今盡室如轉蓬吾母遠避黃巾烽豫章旅食窮途窮吾父
羈棲鰲鼻峯縱歸定省仍恩恩兩地皆闕雞黍供壯歲轉不
如童蒙安得孺慕持此終夜窗光怪來流虹拂髻孝子如相
逢傳君奇行上秩宗長言不足歌未工曇花一見不可蹤烏
乎君殆人中龍

上恪靖伯

世會際貞元盛業幹窮變蠹爾刑天舞起乘有虞倦山嶽配
昊宰早毓濟時彥進取希古狂多能若少賤書生昔謀國運
籌平患難大勢如指掌全楚先衛扞辭賞追魯連擲筆晒絳

翰萋斐彼何人忠佞本冰炭慷慨將赴

闕堅剛挺百鍊吳越妖祲纏東南孰與奠

先帝能官人明遠弗庸譖被

命遂視師感激再三歎譴苦空餓中將士相詔勸經營廿六
州奇勳成血戰擊楫吞氐羌聚米羅郡縣從容講富教所至
拯民墊賤子乘槎來豈屑浮榮戀表正治象興功高純節見
昌期蔚龍從雲霄仰鴻漸體公平生心相依訖荒甸

西征

久鬱從軍志西征氣始豪浮家湘水遠前旆華山高將帥紛
旗鼓雲霄見羽毛

至尊重推轂多士感同袍舊政宵披牘新規畫建旄尤思徒
薪計大作運糧艘幹濟今無匹忠清古所褒人才關事業

府集英髦賤子邀青眼經年佩錦鞍仍爲後軍客同飲上流
醪弱冠游燕趙炎荒正驛騷梟棊頻失算鴻澤莽哀嗷慷慨
論三戶沈淪廁六曹時還資戰畧豈謂襲戎韜易醒春明夢
迴看浙海濤艱危驚厝火憂憤見徵牢陟岵悲何極離鄉首
重搔罪言并酒止羈隱託禪逃偶作登樓樂遙憐運甓陶爲
犧甯未悟哄鼠信相遭去病當求艾懲邪務斥蒿狂歌叩牛
角寶劒拭鵝膏出處從容甚親朋問訊勞眞無千里馬豈少
九方皋吉筮從鳴鶴飛輪駕巨鼇披襟逢吐哺雅韻續題糕
五嶺氛猶熾殘冬陣再廛儘教濡盾墨曾未納韓刀奏凱期
眞速旌庸典濫叨早知平獫狁會且出臨洮老樹從侵雪秋
鷹欲脫絛迢迢沙磧淨獵獵朔風饕歲月爭梭疾英雄付浪
淘奇勲須習膽餘慧薄簪毫審地追新息持心念莫敖何當

裘帶暇更與鼓枹操節度方移鎮書生分屬橐馳驅情勉勉
瞻望思忉忉回首違親舍衝寒泛客舫常吟謝池草待種武
陵桃適楚謀誠善還吳意尙諂本支期衍貤嘉會負彈璫裾
忍牽溫嶠詩應報寶滔承歡輕奉檄樂道盍觀濠母曰酬知
遇兒行勿阻撓終非爲雞肋可許挽烏號果愜平居願笑辭
萬里勦將軍矧充國竊據異隗囂能識犬羊性毋矜熊虎噪
徙戎堪實塞興滅效廬漕漢使收天馬周廷貢旅獒請看長
揖去歸橐謝葡萄

嘉應班師饒歌

金盤堡班師回金盤嶺率師來七載徂征五行省東南澄鏡
無纖埃嘉應湖州作戰場殘寇并滅歸堵康賊雜號大憝先摧
李鐵槍以次削平黃與汪允哉末劫在錢塘嘉應州有錢塘墟父老

歡迎竊相語元戎勲業照今古嗚呼父老今快覩豈知在山
雲早爲天下雨

嘉樹作戰場末劫在錢塘皆悲緯家言

衡陽有迴雁

衡陽有迴雁洞庭有歸船烏鵲方西飛江湖生夕煙舉頭見
湘月歲晚幾回圓脈脈不能語迢迢空楚天

借乘馬入青驄口占

楊子昔騎戰戰酣聞馬鳴從君猶伏櫪借我試登程奇骨空
遲暮前塵歷死生若爲休息地芳草憶江城

負罪

烽火達中山戎車千里閒定知勞政府何計捍天關羆虎誠
無翼貂蟬且強顏迴瞻溫嶠墓落日大旗殷
近畿猶伏莽吾

主正冲齡多難開神武圖功在救甯
嗷鴻聲易變嘘蜃氣還腥爲問諸軍將何時照汗青

往事已東隅勤王急璽符仍從留後請
大發戍邊徒謀主多方誤師期七日踰達心終愧懦負罪敢逃誅

送家柳堂侍御歸皋蘭

廿年契闊共蹉跎才慰相思奈別何
白髮郎潛方豸服青衫淚溼爲驪歌
從今講舍洮河遠自古離筵燕市多
風雪殘冬家萬里那堪匹馬渡滹沱

常時諫草避人焚抗直何心天下聞
冤獄雍州沈黑水狂名漢殿宥朱雲
全家未遂還鄉計五道猶馳出塞軍
畢竟霜威懾諸將端無車騎冒奇勳

頗憶當時戎馬閒邢洛側耳痛傷殘

戊辰春有旭紅營至順德與鄉民鬪屠百餘人

毒民誰効呂文德坐法新收印武安漫道玉關春不度早知
金殿禮終寬乘驄會見還臺省萬口何勞惜諫官

鄉邦塗炭絃歌少疆索戎羌蠱惑深縱復罷歸須藉手若爲
維繫顧何心次宗山上從儒席伯起關西自德林微雪易消
涼月上不知爲底久沈吟

與謝舍人

章鉉

論文

震川望溪評遷史誰歟述者後有王蜀輜歸來書滿篋此本
班駁留丹黃炎雲忽墮雨點白門外車聲動霹靂挾書剝啄
尋幽人其手一編恣探索

舍人索歸方
史記評本

波瀾壯闊疑忘歸秋

鷹欲下盤空飛龍門奇譎不可狀薪火孰與揚餘輝東坡氣
似峻坂騶昌黎古榦無雜花韓蘇閱肆各有得格判唐宋徒
吁嗟亦從精微造眞放江河濁浪紛淘沙才力由來誇橫絕

切理應須透冰雪劉繁方簡姚吐含醉翁法嗣森成列畫師
畫馬論神駿骨肉相包始清穩梅氏猶稱具體微餘人率借
空虛遁中聲要入黃鍾宮二京文藝羅西東宅心醅粹性靈
足博厚期與詩書同千秋義法求統宗祕旨乃在葫蘆中行
無地難且踐迹涉獵子長師扶風

七疊韻酬安圃伯潛兼柬幼樵

同治七年歲在戊我從督師東勤王既奮武衛洽文教要第
策士依騰黃河津魚躍浪花白二龍燒尾驚霹靂我病隨師
百不知據鞍出入殷戎索養疴初自湖湘歸鷺鳩追逐鵝鷺
飛造廬忽睹濟時器頓令病目生光輝誰去害馬蕃秦駟除
毒豈惟鷲粟花災星移守宋陳衛死生契闊人吁嗟東南水
旱薦饑饉矧逢鬼蜮紛含沙斷鼉能救地維絕仰惟太陽沃

霜雪

先皇初政基中興天下諸侯森就列道遠須求千里駿萬斛
浮家乘木穩老成謀國先任賢穴中螻蟻安能遁兩君年少
登南宮嶄如華岱分西東志趣卓越世忠讜才識甯許時流
同玉堂因依欣可宗我非頗牧還禁中侍講昂昂數言事其
期毋墜古人風

蜀兩生行

石頭山頂窺峨眉胚胎靈秀爭幽奇岷源水入錦江碧奔流
到海無盡時兩生生長山水窟合有清氣相扶持我知兩生
名初未識兩生五色動眸子雙璧誇連城青鸞鍛羽大鵬息
黃金之臺高不極有才自與歲月深里閤何殊在京國但令
每飯念時艱莫辭三載聊家食炎曦暍人行路難十旬羈滯

猶長安長安冠蓋富豪俊事賢友仁良所歡喬生好客肝腸
熱門限將穿眼森鐵與人娓娓不忌規言泉噴落離堆雪毛
生廣坐兀徘徊附如石筍撐寒梅閉門頌酒自孤枕夢吞溟
渤杯中來一滄一煦頗殊致兩人測交敦古誼攜手同行胡
勿徐投詩話別憂時事九州饑饉流民多況聞苦旱家書至
熒惑搖苾室壁閒仰視太陽麗天駟斗車憑戴筐騎衛信環
侍霧縈升降豈有徵榆桂參差且循次汝今涕泣悲路歧我
牘淒涼已無淚望雲羨汝共言歸坐令兀兀吾心醉不敢囑
沓矜談天爲汝少損摩兜韃殷憂啟聖睠疇昔

先帝中興方冲年采芑江漢鞠師旅騶虞麟趾依親賢拊膺
玉几迭霜露天荒地老愁神仙

宣仁堯舜終乾乾所嗟中外多備員及今英劭爲時出奮發

猶可追先鞭行矣各自愛劍氣騰星躔願友天下士更願形
勢全南下吳淞叫精衛西入夔巫號杜鵬山澤崇朝有霖雨
畎畝要在能力肩余生早衰盼雙杖道逢邛竹煩留連

將乞歸示同志

別離在俄頃一刻逾千金茫茫百端集匪獨悲牙琴白日自
天上浮雲且勿侵神仙諒虛語忠孝珍素心但恐同志少終
苦力弗任掉頭已巢父淮南秋漸深不見空中書祖筵酒重
斟酒酣論古事涕淚霑衣襟圯上一謀面赤松何日尋僧寮
芋初熟未解長源簪炊梁不就枕息羽甯入林歲月積薪暇
陟屺思故岑睠言審出處所願如砭鍼踟躕乞片語坐右以
爲箴

余

弼

字仲玉號右軒仁和人同治辛未進士
官翰林院庶吉士著店枕草勞勞吟

余林日先仲兄學問雅贍才譽騰蹕入詞垣後因病重聽淡於進取喜遨遊足迹所至輒紀以詩得絕句百首名勞勞吟主講湖北勺庭書院暇以著述自娛旋歿於楚詩稿散佚僅存七律一體

寄縵廷大兄

贊

十幅蒲帆江上開
朝聞征雁有餘哀
艱難薪米皆經濟
零落田園半草萊
千里書衝霜雪到
五更夢犯鼓鼙來
要知相慰無他語
得意花前且百杯

雨夜

齋居何事感勞形
檐滴蕭條夜未停
常讀書編無飽蠶
乍涼庭戶有流螢
詩成但覺鐙堪語
愁劇翻嫌酒不靈
回首親朋零落盡
湖山猶向夢中青

不寐

故國梅花夢不成
誰家春盡尚簫聲
被池暖憶昨宵雨
鐙檠

高知來日晴歲月已拌將酒換江湖未肯以詩鳴浪遊
稽山屐尤喜看山又四明

時營臺書來
招赴慈湖

避難金塘答馮小瀛作

年來到處困兵塵不信仙源尚有津
檐暖日光能聚客橋危風勢欲飛人
山川詎要文章記患難偏令意氣親
年少賈生休痛哭冰霜歷盡自陽春

枉矢流天夜有芒白衣蒼狗幻何常
大官逃難同奴賤悍卒搜牢比敵強
自縛殊慙蠶作繭徒勞終恐鼠搬薑
刀環異日身重唱兒女艱辛話亦忙

枕上口占

詹尹何能決此生黃鐘毀棄瓦雷鳴
無多浩劫皆親歷如此名山亦與盟
雁遞愁書煙向溼雞催醒枕月微明
蒼茫萬感

心頭集願學韓康隱姓名

秋日林氏客館作

嬾讀曹娥江上碑重開絳帳作經師按期病似趨班吏和韻
詩如學步兒淡墨雲遮秋木末明珠露綻曉花枝閉門自享
千金帚世俗浮沈我未知

孫雲裳

則陸

招同汪汝舟夜飲西湖卽事

夜遊儘有客追陪鐙火重城首莫回海月乍升紅抵日相林
初子白如梅狂攜尊酒澆香骨時擬修蘇小墓暗對江山惜筋才忽
聽菱歌波上起一舟盪出段橋來

句餘題酒樓壁

片帆收向古城隈獨倚壺觴夕照開草色綠將隨水去花光
紅欲上樓來胸中別有無言淚眼底誰爲不世才試問臥薪

當日事一羣鷗鳥啄蒼苔

湖州

如此溪光忍獨醒
開尊明月正前汀
我來孤負吳興水
不讀茶經讀酒經

晚起帆張十幅蒲
才過荻浦又菱湖
浮家泛宅人多少
可有煙波舊釣徒

樓汝達

字子通震子仁和人同治辛未進士署河南南汝光道

杭郡詩三輯子通觀政秋曹上游倚重辦秋審平反甚眾出爲河南觀察使卒於任所

舟出章門賦贈季仁丈

早從髫髻識龍門
隅坐曾親笑語溫
三世舊交今有幾
廿年春夢了無痕
天涯客放西江櫂
地主情深北海尊
聚散搏沙成底事
只談天寶也銷魂

西湖煙水好家鄉換得東華塵土香夾道宮槐青瑣闥滿衣

花露紫微郎米鹽瑣屑皆詩料公有關門七事詩褰屐風流屬酒狂

記得居鄰孫退谷名園邱壑未全荒公京邸寓興勝寺側地近孫公園退谷舊居也

使君高致孰躋攀五馬倥傯意自閒不負初心指江水獨留

真面對廬山佩環月夜魂應返公新有騎省之戚絲竹中年鬢未斑

試譜金元新樂府可曾低唱教雲鬟

贏得平原十日期只愁轉眼又分離無才敢抱沈淪歎知己

終思少小時地隔嚴城通夢遠雨留殘客放晴遲別公未盡

思公意且獻巴人下里詞

陳聿昌字爾修號穎楚鎮海人同治辛未進士江西卽用知縣著草舍利舍詩稿

弔豐城署內桂花相公有序

桂花相公軼其姓名相傳習申韓學甫成就館豐城

以力諍冤獄不從縊桂下死

劍氣如虹躍冶新小山招隱認前身冤禽地下相逢日笑向空王問夙因

舊恨芳洲杜若思鵲鵲嚶徹五更時一尊桂醕聊相酌天意蒼茫讀楚辭

孫汝贊

字厚卿山陰人同治辛未進士官翰林院編修

孫德祖曰厚卿生有異才讀書過目成誦官編修未及有所表見以察覈京邸壯年無祿時人惜之

秋日遣懷

槐陰清潤竹窗虛風景依然舊草廬久客翻憐鄉夢少盛年已覺宦情疎難拋結習存詩課頗費功夫寫道書近聞園蕪種桃李好延春氣到窮閭

曉起有感

極目寥天一雁過秋風秋雨奈愁何地因久客寒暄慣人到
中年感慨多行迹略憑詩紀述情懷未許酒消磨虎頭漫詡
封侯相慚愧宵來學枕戈

題銀管錄爲王秀才繼本室孫烈婦作

幸草不獨活匹鳥不孤飛人生節義重一死全所歸媿媿宗
門秀茗玉敷清徽結髮事君子雙裁鴛錦機秋風摧玉樹零
落萎芳菲丹旆慘不張淚血霑麻衣倚廬慟欲絕遑問枯腸
飢人生會有死朝露良易晞再拜辭尊章無復依春暉志意
各有託遙遙西山薇鏡湖一抔土娥月寒林霏香名勒貞石
巖壑生餘輝

徐景福

字介亭遂昌人同治辛未進士官

劉恭冕江蘇荆溪知縣著清華軒詩文集
昭武勇迭著戰功署婁縣時婦姑某嗣年後生子爲族

無賴所訟介亭以梁嘉弗陵太子事斥之訟遂息
熱捕蝗振饑荆溪多客民治以明恕主客遂相安
甲務積穀修學宮建書院纂志乘設痘局次第就理
平耽經史旁及醫術堪輿著有海島錄四卷校補
雜錄二卷

盤門夜泊

夜宿盤門舟眾聲紛以騁東鄰方佞佛饒鉞事祈請蹲狗喧
西鄰狺狺逐聲影不期青草中閣閣雜蛙鼃大鳴蟠其腹小
鳴壯其瘳一聒八九和官私不可訶何如逢背雨到耳亦清
靜雨甚未成睡舟子苦不醒晨起觀羣動我意獨深迴

固嚕鏗

字畫臣杭州駐防傑純子蒙古正白旗人官廣西潯州知府著固廬詩存三卷

王廷鼎曰畫臣為果毅公季子辛酉西城陷果毅公戰歿

賜襲

畫臣突圍出入都呈明全家死事狀
補府學士員筮仕廣西

聞杭州克復感賦

勝地今仍舊忠臣不復生雲旗紅有影春草綠無情客館魂
千里祠堂月五更思鄉眠不穩愁聽子規聲

孫葆瑩

字景伯錢塘諸生著斯是陋室詩鈔

石門夜泊

雲黯天將暝征途指石門雪花飛白浪星火近黃昏鄰舫鄉
音熟孤村夜柝喧前程知不遠獨寐待朝暾

重至吳淞示二弟子寅四弟子勉

連朝風雨滯行期孤負黃花悔到遲飄泊生涯妻子累艱難
家計弟兄知征衫痕染鐙前淚春草情聯夢裏詩等是欲歸
歸未得可憐歸旅半天涯

丁

申

字竹舟錢塘諸生候選主事

文

詞

譚鍾麟奏略杭州

四庫全書咸豐辛酉省城再陷全書散佚時有主事丁申

不避艱危潛拾殘書深藏僻地待省城克復繳存杭州

府學網集書日尙存一萬餘冊前守杭州時深嘉其志

已卯冬奉旨調撫浙江訪聞丁紳頻年留心收繳又增百數十冊并照

四庫目錄編覓底本冀陸續補鈔其苦心孤詣實所難能

惟原建書閣僅存遺址上年秋籌款修復煥然一新將

所存府學書籍移藏其中酌給紙筆將底本鈔補以副

聖朝右文之盛治丁申等於兵戈擾攘之際尙能收求遺書

內府購覓底本卓識迥超尋常所費亦難以數計可謂篤行

敦本之士矣吳慶坻杭郡詩三輯序略往者先高祖嘗輯抗韻詩自

國初建嘉慶刊成於庚申之歲越三十年先大父更爲續

輯學暗古中更兵燹奮然以丁丈竹舟復自三輯之選丈

續輯覆刊之乃博采道光以來之詩而前所未采者並

補錄焉庚辛之難抗節者眾別爲四卷以闡潛德八旗

國

國

聖朝

旨調

四庫

不避

府學

已卯

惟原

所存

內府

敦本

國初

輯學

續輯

補錄

而始

城之

園一蟲曉書卷百牛腰書聯以贈

然豈止百牛腰耶雖萬未足也
緝雅堂詩話竹舟溫謹博雅于鄉邦文獻最爲諳熟藏
書至富今之聊城楊氏常熟瞿氏恐未能過也惜已奄
化不及接手得識其弟松生大令所藏浙
人詩集假閱殆徧采詩之事裨我實多

題友人山水帳眉

嵐光清且煜不受苔蘚沆翠痕落巖腰十圍松影大矮亭俯
危谿潔絕珠玉唾山禽斂修翎小語篁初破中有幽人貞日
夕素書課散髮兼散衣逸思埽寒餓座無折足几與松同偃
臥清夢蠲塵懷任他白雲過

秋日嚴州城下用放翁初秋有感韻

蕭蕭落木下孤洲疊疊窮山豁一州楓葉江濤帆影碎梅花
城郭笛聲愁撤防游卒爭刑馬墾廢貧黎合買牛休養此邦
誠不易長官匪止俸錢籌

題儉卿宗丈晏七句學易圖用惠寄秋懷詩原韻

伏莽戎興數載侵旅人卽次感難禁曰歸久憶湖山美來復

應知天地心

明年爲土元甲子

秋色又逢供雅興瑤章遲和愛長吟

晚香補晉黃花聲正值寒催夜月確

祝嘏椿庭語愧蕪臨風拈韻索腸枯傳經歲月儒原宿寡過

淵源德不孤矩協從心精義得齋顏學易俗塵無真西山名其齋曰學

易千秋羽翼功尤鉅搖筆名山噴墨珠

埽葉清秋校字勞吟髭頻撚髮頻搔自存默契觀義畫詎侈

長生賦董逃杖國禮隆聞矍鑠立朝疏上閤呼號

謂公子侍御疏減江

浙漕糧

詩箋寄趁題饒節要祝登高齒亦高

高士年來近卜鄰

高伯平丈近客淮城

會開眞率樂偏眞益占兌澤詩

書好吉叶謙父道德身已喜精神比龍馬更參消息到天人

伊川碩望同山斗遠達心香願步塵

陳

灝字小帆仁

倪茹曰小帆性落拓不羈工詞賦出語多纖麗歿後稿皆散佚

橫河打魚行

鯉魚風起秋水生橫河十丈深且清游魚鼓鬣共來去中有
打魚船縱橫漁童慣向船脣立持篙打水水浪激野鷗驚散
鷺鷥飛綠波濺上蓑衣溼傍有漁翁笑拍手網得紅鱗貫以
柳明朝賣向城市中足供而翁三日酒西湖打魚春水漫得
魚更比橫河難橫河打魚秋風老得魚豈比西湖少農家生
長錢塘住日日打魚朝復暮翻羨朱門沽酒人一生那識風
波苦生逢

聖代輕漁租漁家生息欣何如非同錢氏多荒政日日須供

使宅魚

金 葵

號選華嘉興諸生著燕游草

登橫山尋顧況讀書臺

讀書人不見還上讀書臺高鳥一聲去遠峯數點來探幽花
結子弔古草成堆欲盡登臨興須憑酒一杯

盛朝輔

字子敬秀水歲貢著得樹軒詩稿

讀先世尙書釋天書後

家學全荒寶舊書拙明遺箸較何如毛詩亦有天文攷可惜
卷施術少疏

盛王蘭

字聽樵秀水廩貢著拈花微笑室詩存

和友人韻

二十年華百感侵棲遲田舍影沈沈呂虔壯志刀空贈穉松

閒情履懶尋獻策功名非我類閉門窮餓有知音醉餘儻得
驚人句寄與書之座右箴

朱

嘏

字西野海
鹽諸生

季夏望夕集玉山草堂分韻

匙滑青精飯杯香白墮醪聯吟還促席射覆復分曹竹色涼
侵簾松陰暮捲濤相看雲海際飛上月輪高

蔡

璠

字瑜卿號述堂德清諸
生著述堂詩稿二卷

家傳習瑜卿少聰慧年十六入邑庠文名籍甚居鄉無
疾言達色見者器重之好讀古詩晨夕吟哦不輟壯游
四方多與士大夫相唱和尤抱用世志故其
集中感事苦雨行璠閒歌多蒼涼感喟之作

獅子林

福地洞天何處是煙雲變化有無閒誰知善畫倪高士不愛

真山愛假山

風亭驛題壁同王丈言作

愁絕短長亭行雲何處停亂山榕樹綠平野麥苗青細雨酒
旗溼夕陽魚市腥北風吹不止楓葉正飄零

哭靜山兄

蕭瑟秋風路驚聞噩耗傳別來才半月淹忽竟重泉痛極翻
疑夢悲深欲問天鷺江回首望雙淚落潸然

南中卑溼地奔走爲微官太息離鄉遠誰知作客難春深山
瘴重秋老海風寒一病今長逝淒涼孰撫棺

寄我書猶在相看只淚痕數行成絕筆

兄病危時曾寄予書有恐成絕筆之語

一酌爲招魂世事真堪痛鄉心更莫論思君渺何處愁聽斷

腸猿

和俞太史

樾

海行入都詩次韻

浮雲回首渺無痕
磊塊難消濁酒尊
巢父釣竿尋不得
杜陵詩卷亂猶存
客游似夢何堪憶
世事如棋那可論
漫說長安居不易
年來荆棘滿衡門

秋日聞蟬

滿地涼陰淡不收
時聞蟬唱徹林邱
月中餐露身逾潔
雨後吟風韻更幽
衰柳蒼涼隋苑晚
古槐疎冷漢宮秋
居高弗畏清寒逼
抱葉猶鳴山樹頭

蔡銘珏

字子瑾
華元子
德清人
著瑞田遺草

俞樾序畧子璵年少劬學崎嶇戎馬閒讀書不輟尤好為詩雖未能成家而力追漢魏盛唐之軌度不屑為近世淫哇之音則其所主者正也惜年未三十而沒

赴閩誌別

時平家安樂多難
人流離出門近
猶慮況乃千里馳
關山莽

烽火蔓草一何滋當風想長路中心壯以悲不行親無養欲
行懷憂疑躑躅窮巷內百步無一辭仰首瞻父母強笑含悲
思俯視妻與弟兀坐如騃癡自顧疾病軀盛年獨尪羸迴腸
成百結輾轉忘朝飢吁嗟辭家苦非貧焉得知

臨行拜高堂一哭同慘切胸有無盡言欲說不得說戚戚出
蓬戶依依念家室悵悵登輕橈魂神兩若失鄰里走相送爲
我助悽惻西風何無情吹我征帆疾蘆邊早雁飛柳外秋蟬
咽仰見白雲歸俯視江流汨漂搖游子心憂來曷能遏豺虎
踞山城狐狸閒出沒居人與行路動靜均怵慄望家屢回頭
傷我亂中別

村舍題壁

自有隱居樂春來花滿村家風老耕釣野味足雞豚無樹不

遮屋有山皆到門迷津君莫問此地卽桃源

徐時榕

字石門號季子
時棟弟鄞人

捕虎行爲浙江提督黃公

少春作

四明諸山盡開闢猛虎潛藏久無迹郡中自來黃元戎羣盜
鼠竄烽煙熄凡爲民害已消除不煩檻穽與鋒鏑元戎當年
奮威武軍中交稱黃猛虎元戎偃武能好文大書虎字如煙
雲不惟虎臥兼龍跳神妙欲追王右軍太歲在寅夏五月時
光緒四年五月初十日狂風忽起走沙石城西居民紛入城譁言有虎
來白額不據高山據原田耽耽而視神茫然意殊不欲逐人
食若與元戎來鬪力元戎聞之意氣豪投筆飛馬出西郊諸
將相顧色如土追從不及汗流雨比見元戎虎已擒戈矛劒
戟空森森元戎歸來語諸將何物狂虎屢相抗前者吾已獲

其雄

同治十三年甲戌冬十一月廿九日事

雌胡復來攫我鋒平居正無用武

地三年差喜中疊雙雖然吾力虎能捕其間無乃別有故四
明山中虎豈多咆哮下山理則那吾聞苛政猛於虎能行仁
政虎渡河力而拘諸吾之事感而遠之不知其德當如何

鄧克旬

字譜菴象山貢生

反陳思王名都篇

少年遊俠場穀騎何焯煌左手攝烏號右手持干將必路搏
蹇兔合圍羈梟陽騁耆眾駘磕發轡交騰驤被陵且緣坂奚
止從兩狼其材信希有其樂亦未央或當盛平世藉以顯所
長昨聞下明詔募士平氏羌勃發負蘭志敢復從禽荒月落
雁路黑沙起邊雲黃生死何足言飄然辭故鄉

葛恩慶

字棟孫山陰廩貢官昌化教諭

感懷次許笙府韻

便擬狂歌蜀道難窮途阮藉淚頻彈知無經濟囊時難空寫
襟期到筆端異地光陰愁裏過故鄉烽火夢中看離情好似
西江水地久天長總不乾

王繼本

字根仙英瀾子會稽增生著濯夢樓詩稿

孫德祖曰根仙爲從兄悅祖笑庵女壻幼慧能文年十五成諸生十九病渴卒余女姪絕粒以殉
欽旌節烈如例其仲弟今編修繼香子獻爲徵文詩有銀
珞錄行世御史同縣李慈銘悉伯嘗爲文表其墓

趙孟頫豳風圖歌

金題錦縹文犀軸煙雲溼罨縑細絲王孫千載魂不歸留得
豳風圖一幅湘紋乍展松煤霏頓覺四壁生涼颼諦視精神
忽煥發一人一物皆天機青陽舉趾田畯喜黃裳載績公子
歸炊煙萬家家八口婦子相將饁南畝懿筐蠶月條女桑葵

菽羔羊佐朋酒春庚秋蟀知四時稱兕獻豸介萬壽漂搖風
雨鴟鴞哀東山戰士勤行枚蠡戶鹿場戍卒返衮衣赤舄之
子來意匠經營萬千狀縱橫墨骨翻新樣想當含毫思邈然
幽老姬公通神貺迂倪顛米腕底犇戴韓寫生顧寫人筆端
造化有如此驅役神鬼真宰瞋當日南朝崇文翰水殿西頭
開畫院丹青幾輩入蘭臺松雪風流名更擅七月圖成函簞
章千金珍重鶯溪絹艱難衣食寫嘉謨上方還進耕織圖子昂
又有耕織圖并詩紙上空談治平略白雁飛來明聖湖我聞此圖晉
代始明帝爲曲風圖後閻立本馬和之皆倣之司馬以後推閻氏和之粉本尤稱
奇獨有子昂能繼美可惜逋臣志未灰甘墮清節累高才斧
斨莫向東山用薇蕨難從幽谷裁祇把霜毫揮涕淚寫成督
亢獻秦來物換星移人世改殘稿流傳八百載承平風景一

摩挲依稀南宋遺民在君不見天水河山夕照闌冬青搖落
六陵寒殘山賸水都何在贏得疆陲畫裏看

楊友聲

字鷺谷臨海歲貢官壽昌訓導著印香樓殘稿

緝雅堂詩話余試嚴州日見壽昌學官鷺谷年丈恂恂
儒雅訓士有法在籍倡建二徐先生祠堂祀宋高士真
定溫節父子當時隱居邑之百巖山力辭徵辟傳安定
之學者余嘉其事書祠聯與之未幾竟歿庠序中失一
良師可
唏也已

題分水校官李文甫小照

九峯山麓駕湖濱靈氣磅礴鍾人文文翁先生尤卓絕續述
祖德揚清芬祖德在民未泯滅大吏入告羅續紛

朝廷褒功入鉅典春秋享祀崇明禋宦績所留有遺愛萬家
尸祝羞繁蘋文翁讀書心耿耿每慮手澤行就湮羣盜如毛
付浩劫什襲著作同元纁遂使遺編壽黎棗傳之世世如典

墳爾來秉鐸至山邑山城斗大環榆枌亂離飢餓廢講業試
士未能張一軍文翁安之若有素苜盤滋味甘欣欣我與同
官十年許梅城聽鼓輪殷勤忽攜玉照索題詠愧無佳句持
與君喜君矍鑠且善飲疎才瘦沈難同羣詩成坐我釣臺側
一溪流水飛晴雲

桐江舟中

富春江上趁春晴春漲新添兩岸平峭壁古松飛積翠懸崖
細草落空青宦情久已安雙槳耄學猶能守一經欲借羊裘
來把釣卻愁太史又占星

弔黃壺舟先生

絕域歸來鬢已星忽傳仙旆返蓉城人如綺季商山老我惜
靈光魯殿傾落紙煙雲存手澤滿堂絲竹變哀聲橫湖一水

如衣帶愁煞他年載酒行

樓望嶠

字喬山義烏諸生著梅林刪餘草

秋日偶詠

小飲亦成醉秋心付壯歌風翻三徑竹雨戰一池荷歸鳥晚逾急鳴蟲寒更多空階梧葉下雁信近如何

施紀椿

初名文煥字伯章號石田永康歲貢

烈女詩爲胡黃氏作

烈士貴殉名烈女貴殉夫殉名甘若薺殉夫苦如荼卓哉黃氏女哀哀獨何辜十年貞不字十八嬪于胡三載爲夫妻所天忽云殂詩書委邱壑風雨泣庭隅蒼天曷有極一慟不能蘇我生亦何爲低徊向舅姑舅姑苦相向醜虜逼荏苒氛惡猛于火玉石同焦枯時窮節乃見視死如歸途皎皎冰霜質

劫灰不能汚綱常賴以植名教賴以扶貞心永終古浩氣凌太虛爲臣懷二心對之抱愧無

張

碩字小磬永嘉恩貢著怡雲樓曠稟

孫擲鳴曰小磬磬庵子性誠篤樸忠經明行修所爲詩質實雄直能世其家學

留別周寶珊培珍再次前韻

君瘦旣如梅我寒亦似雪相憐非有他舍肉但取骨四顧皆夷塗放步恐隕蹶脂韋雖易合素懷奈隔絕嘯詠謝池上兩載眞飄忽論交有淺深話別可伸屈丈夫坦蕩情萬里聯翩越君家有大儒光霽擬風月敢附諍友例所望恕唐突智行原不同方圓豈異說

兩浙輶軒續錄卷四十八